

GABRIELIS  
MADELENETI  
CARMINA.

*Nova Editio auctior.*




P A R I S I I S,

Sumptibus Fratrum BARBOU, viâ Jacobæ  
propè fontem S. Benedicti sub Ciceroniis.

---

M. DCCXXV.

CUM PRIVILEGIO REGIS.





LUD. HENR. LOMENIUS  
BRIENNÆ COMES

REGIA CONSILIIS,  
ACTIBUS ET EPISTOLIS  
LECTOR.




Isi suprema Madele-  
neti voluntate adige-  
rer, nihil hic mihi præ-  
fandum existimarem; sed cum  
ejus Nepos, dignus hæres lo-  
cupletiore Patruo, chartas er-  
rantes defuncti, mihi ex def-  
tinato attulerit: injurius vi-  
derer litterarum studiis, si quæ  
fidei meæ commissa preme-  
rem invidiose. Itaque juris tui


LECTORI.

facio, emuncte Lector, opera Poetica Lyrici Vatis, nam in iis solus fuit aliquis, non tam Philoflaccus, quam Flacco-manes. Non putavit improbe factum, dum in suo Venusino ingeniosus videretur; sic ratus vela famæ largius daturum, quam si totum ore libero ficcaret Permessida. Nihil ex eo quod non demorfos ungues sapiat: plus arte & studio quam ingenio valuit, extemporalitatis capitalis hostis, fuorum laborum editor lentulus, iudicii & stili purus. Odi profanum vulgus & arceo, cujus maligni susurri jam aures meas personant, quasi lascivus Faunorum grex hic ubique luxurietur, & gens



mollis amorum cum Cypri-  
 gena procaciter ludat. Crede  
 mihi , Lector , castigatione  
 stili improbis rumoribus Poe-  
 ta succurrit : ex eo non minus  
 laudandus , quam quod ab  
 omni maledicentia abstinue-  
 rit, in nullum unquam stricto  
 Iambo, satiricæ dicacitatis om-  
 nino expers. Vale , & ut Va-  
 tes æternum gaudeat mecum  
 apprecare. Sit illi terra levis ,  
 nec malis carminibus culti  
 Madeleneti tumulus onere-  
 tur.





# JOANNIS MADELENETI

GABRIELIS EX FRATRE NEPOTIS

P R Æ F A T I O.

**C**UM omnes quicumque literarum & Poetici leporis aliquem sensum habent, Gabrielis Madeleneti Patru mei & *maître* carmina ita semper probarint, ut nihil iis elegantius, nihil perfectius putent; mihi eorum hoc tam pusillum volumen edenti, imprimis de eorum paucitate praefandum reor: quate Lector (ut spero) aut sola, aut gravius offendet. Quotus quisque enim non egre ferat hanc optimorum versuum penuriam? Quisve non ipsius Authoris Manibus propè irascatur, quod tam pauca scripserit, qui tam eximia scriberet. Alii negligentia accusent, qui ita parce Musis quas tam propitias haberet, operatus sit: Alii invidia has felicioris naturae opes, repressa ultro Deorum maneræ indignentur: omnes clament, ab illo ingenio plura debuisse proficisci, à quo omnia summa expectarentur. Quibus querelis breviter, prout potero, satisfaciam, Non invidum, sed magnum cessatorem Patruum fuisse fateor: Ingeniosus fuit, eruditus fuit; sed & omnis ambitionis & gloriola contemptor, quibus rebus ferme homines

## PRÆFATIO.

ad multa scribendum impelli solent. Cui & illud fortasse obstitit, quod vir acerrimi iudicii, & quod sequitur, natura <sup>us</sup>. <sup>us</sup> & calumniator sui vix unquam sibi satisfaceret, dum quæ animo conciperet, nullis verbis æquare posse intelligeret: ut magnitudo cogitationum ei silentii saepe causa esset, quarum mediocritas, & cæcus sui amor plerisque importunam verborum fecunditatem afferat. Fieri etenim non potest, ut qui multa scribat, parem in omnibus gratiam assequatur. Hancque adeo causam fuisse arbitror, cur Terentius tam pauca, tam pauca Catullus & Horatius scripserint, cum interim plebs Antimachi crassa volumina miraretur; cum & Lucilius, is qui primus condidit stili nasum, facetus quidem scriptor, & falsus imprimis, sed parum diligens, ducentos ante cibum versus, totidem cœnatus, ut ait Horatius, funderet; cum denique Cassius, eodem teste, rapido ingenii aestu, & torrente vena, scriptis tam multas capsas impleret, ut iis post mortem ambustum ejus cada-ver dicatur. Proinde assentior Scaligero, cui pluris est pusillus Catulli Atys, quam dena millia tumorum, quibus crepant buccæ Cordubenses. Nempe, inquit, pauca illa Terentii & Horatii iudicio selecta, si aliorum accessione aucta essent, fortasse nonnihil gratia ex repetitionibus amissura erant. Hac reputans, Patruus, copia minus studuit quam elegantia & nitori, quem cum præstitisse nemo æquus insi-

## PRÆFATIO.

ciabitur. Quid si Lyrici carminis cultor, quod ferme in magnorum virorum laudibus celebrandis versatur, non multos reperit quos citra assentationem laudare posset? Cursores Græciæ Pindarus, Pugiles, Athletas laudibus extulit, quos Madelenetus si illis temporibus vixisset, ne spectare quidem dignatus fuisset, nedum eos versibus celebrandos putasset. Quid igitur; amores suos Horatii aut Anacreontis more decantaret? At modestior fuit, & reverentior Christiani ritus, quam ut illis furoribus animum aut chartas impleret. Solis itaque egregiis virtutum exemplis intentus, quæ sane non multa vel felicissimis seculis contingunt, cum perpauca litteris digna reperiret, non potuit multa scribere. Hac igitur paucula prudentissimi viri iudicio selecta æqui bonique consule, Lector, quæ adhuc pauciora essent, si ejus supremis mandatis paruissem: ea enim tantum legi voluerat, quæ jam ipse vulgasset, reliqua suppressi: Cui iudicio ejus & voluntati ne omnino obsequerer, Ludovici Henrici Lomenii illustrissimi Briennæ Comitis intercessit auctoritas, quem ipse moriens suorum omnium fieri voluit judicem; qui pro illo amore quo Patrum meum complectebatur, excussis ejus scriniis ac recensitis poematis ætænotæ quoque illa contra morientis trepidationes in lucem asseruit. Quibus tamen Astericum\* appingendum censuimus, ut ab antea editis distingui possint.

## P R Æ F A T I O.

*Huic tu præstantissimo Viro ( Lector ) quantum te non pœnitebit Madeleneti lucubrationum, debes. Quippe is has ejus reliquias ut colligerem author mihi fuit, meumque animum ejusmodi officii insuetum; & labantem confirmavit. Cui proinde hic libellus dicandus erat, nisi ei sua omnia author pridem consecrasset: qui & ipsius laudes bene meritum memor integro carmine cecinisset, si nobis illum Fata paulo serius invidissent. An igitur nunc ejus patrocinium Patruï scriptis per Epistolam peterem, quem ipse Patruus olim tam præsentem suarum scripturum vindicem expertus esset. Qui cum ante aliquot annos carmen quod Epistola vicem suppleret, Abbatis Chavini egregii cum & magnæ spei Adolescentis Thesibus inscribendam fecisset, idque opusculum ineptus quidam literator plagio tentare ausus esset, non tulit generosus Comes, versusque surreptos amico restituit; de qua re monitum ejus habes hic cum ipso carmine, humanitatis plenissimum, tantæ autem elegantia & nitore, ut ipsarum Musarum manu exaratum videri possit.*





# GABRIELIS MADELENETI ELOGIUM

P. PETITO Scriptore.

**Q**UI ingenia uti alias res , certis temporibus & locis alligant , vel unius Madeleneti exemplo confutari possunt , qui nec felici Augusti aëvo natus , in quo quidquid Romana facundia perfectissimum habuit , effloruisse dicitur ; neque verò illis vallibus in quibus Hesiodo Musæ apparuerunt ; non illa civitate quæ Pindarum extulit , non eandem denique quam Horatius , patriam natus , sed inter immania Eduorum & Nivernensium quercera , superiore sæculo genitus , omni poetico lepore ac lyricis imprimis versibus pangendis ita excelluit , ut non tantum Græcorum , sed & Horatii incomparabilis Vatis in eo genere gloriam æquasse dicatur. Nihil enim Madeleneti Carminibus cultius ; nihil illis virtutibus quas celebravit , dignius ; nihil ad eorum Heroum , quorum facta decantavit , commendationem magnificentius. De quibus priusquam dico , nonnulla de ortu ejus , vita , moribus , forma , obituque breviter , prout fert instituti ratio , perstringenda sunt. Etsi enim fortuita illa sunt , & cunctis communia , tamen inter magnorum virorum laudes prolata non parum delectant , quòd eorum animi , si non formam expressam , saltem umbram & memoriam habeant. Natus est Gabriel Madelenetus in obscuro Eduorum oppido , quod vulgò S. Martinum de Podio appellant , anno instauratæ salutis circiter M. D. LXXXVII. ex honestis valde parentibus. Namque



## ELOGIUM.

ejus matrem Tullinam cognomento Clericam, ornatissimi viri Philippi Clerici, qui nunc in Municipali Altiliodorenum Judicum consessu Principem locum obtinet, Sororem fuisse accipio: Patrem autem Henricum, licet illis disciplinis non excultum quæ ab humanitate nuncupantur, tamen & humanissimum fuisse, & singulari apud suos prudentiâ cognitum, quàm sanè cum in omni vita, tum maximè Liberis, quos plures fustulit, educandis præstitit. Qui cum mediocri re & fortunâ esset, tamen nullis sumptibus pepercit, quos ad Liberorum institutionem necessarios putaret. Hujus optimi Parentis curâ Gabriel hic de quo agimus, qui fratrum natu maximus erat, ineunte ætate Nivernum ad capiendum ingenii cultum missus, in Patrum Jesuitarum contubernio primis litterarum stipendiis meruit. Dehinc ad Bituriges translatus Philosophiæ & Jurisprudentiæ operam dedit. Theologiam quoque attigit; credo, ne ejus, expers esset Divinitatis. In iis studiis cum magnum progressum fecisset, & gradum, ut vocant, in jure licentiatus, in illa celebri Academia adeptus esset, demum anno M. DC. X. vertente Lutetiam se contulit, & ad v. Calend. Febr. sequentis anni togatæ militiæ in senatu nomen dedit, seque albo Causidicorum inscribendum curavit. Quo tamen in sodalitio non diu permanfit. Nam seu illius strepitûs naturâ impatiens erat, quem nec Ovidium, Petrarcam, aliosque complures viros illustres potuisse ferre constat; sive hominem alti spiritus humilium curarum tædebat, seu (quod virius judico) illum amor Musarum inde retrahebat, seu qua alia causa ei obstitit, quo minùs ea se professione illigari vellet, naturæ forum & lites valere jussit. Nec tamen priùs eo campo decessit, quam sui ingenii & facundiæ præclaram

## ELOGIUM.

apud omnes famam aliquot publicis actionibus contestatam reliquit. Hæc quispiam miretur, hominem acutum steriles Musarum rupes, & vacua antra, frequenti foro tot spoliis opunis referto anteposuisse. Cui respondeo multum, inter vulgi sensum & magnorum virorum judicia interesse. Vultus ea solum spectat, quæ corpori necessaria sunt, escas indumenta, ædes, tum quæ voluptates hominibus architectantur, parum a pecudibus pronis & ventri addictis differens. At viri excellentes, qui sese non belluis modo, sed & vulgò præstare student, tamen illa quidem paranda intelligunt, tamen non eorum infinita cupiditate & questu mancipantur, sed iis mediocriter instructi, dehinc ad rerum pulcherrimarum contemplationem toto pectore studioque feruntur. Quid mirum igitur si Madelenetus, cui natura sublimem animum dederat horum exemplum atque institutum, quàm istorum humiles affectus sequi maluit? An ille vocem Heroum summis virtutibus celebrandis sibi divinitus concessam teterrimis extremæ facis mortalium affectibus explicandis venalem haberet? Deorum hæc munera præclarissima fraudi, avaritiæ libidini amentium hominum utenda permetteret? Hos tam illustres Musarum cultus litigantium improbitati velut amictum circumponeret? verò quia Homerus *ἀγορὴν καὶ δῶκεαι* *forum viros illustrans* vocat, & ita cunctis persuasum est, Madelenetus si foro caruerit, nulla in luce hominum & celebritate versabitur? Atqui ille ipse Homerus, qui forum fortasse nunquam ingressus fuerat, cui Oratorum claritate cedit? Parumne lucis habet cæcus ille Vares, quod inops, vagus, suo seculo ignotus vixit? Forum viris decus & splendorem conciliat. Fateor; quia iter ad honores & potentiam civilem aperit, quibus rebus qui excellunt,



## ELOGIUM.

Omni vulgi opinione & admiratione florent. Ac Sapientes eos honores non magni aestimant, qui authoritati & legibus potius, quam homini tribuuntur. Quisquis ingenium habet, & foro, & militiâ, & sacerdotio carere potest. Satis ipsi virtus vel nuda veri splendoris asferet. Enimuero Madelenetum populi comitia, honores, plausus fugientem fama multo clavior persecuta est, quam si iis deditus vixisset. Vigebat tunc inter purpuratos Ecclesiæ Patres illustrissimus Perronius, vir suis virtutibus notior, quam ut mea prædicatione egeat. Id tantum dicam, neminem neque suopte ingenio clariorem, neque alio aestimando perspicacior, aut ornando munificencior illis temporibus fuisse. Is, sermonibus qui de Madeleneti singulari virtute circumferebantur, commotus, videre eum cupiit: visum ita amavit, ut familiarem & conjunctissimum habere vellet, nec prius ei domum & rerum suarum omnium usum offerre desisteret, quam ille tanti viri humanitate victus, ejus voluntati ut par erat, morem gereret. Mansit itaque apud Perronium Madelenetus circiter biennium: quod tempus non ludo & voluptatibus, ut ceteri Magnorum cultores, sed Sanctorum Patrum atque hospitis sui scriptis legendis consumpsit: cui lectioni ita incumberebat, ut non summam tantum verborum superficiem lingeret, sed medullam subtus latentem deprehenderet, cum quidem Perronius hanc ejus solertiâ admiraretur, palam etiam in doctorum hominum circulis jactaret, non videre se cui Madelenetus rimandis Patrum sensibus deberet cedere; huic artem secretam inesse, qua abstrusissima quæque in libris scrutaretur, & in apertum proferret. Ex quibus planè intelligitur neque industriam Madeleneto, neque occasiones ad rem bene gerendam defuisse, si iis

## ELOGIUM.

Artibus intendere voluisset, quibus vel imperitissimi uncta Sacerdotia occupant. Verum ingenium suum præ cunctis rebus amabat, qui amor (ut ille inquit) neminem unquam divitem fecit. Non erat bonus animum aut vultum fingere; ab omni ambitione alienissimus erat; libertatem cunctis honoribus potiore ducebat; satis sibi in literis præsidii esse arbitrabatur. Proinde sibi totam ætatem Musarum secretis abditus vixisset, nisi veritus esset, ne in Mæcenatis sui præcipuum erga se studium contumax, vel etiam obtreçtator ejus potentia videretur, si nunquam ea uteretur. Quocirca anno M. DC. XVII. ejus commendatione Epistolarum officium ordinarium in Regio Cubiculo accepit, ac Regis familiæ abscribi se passus est. In quo sane munere obeundo mira ejus animi constantia extitit. Quippe cum ibi inter Fortunæ mancipia versaretur, numquam tamen fortunam admiratus est, neque illi impotentes affectus quibus Regum palatia inquietantur, ejus pacem turbare, aut Musarum amorem ejus pectore excutere potuerunt. Quin ex illis turbis subinde in solitudines Regiosque hortos meditandi causâ secedebat, vitiisque Aulæ inensus, virtutes ejus, si qua solito clariùs fulsisset, carminibus prosequabatur; quo studio multorum Procerum & Principum amicitiam consecutus est. Imprimis verò magno illi Richelio innotuit, cui sub Rege Ludovico XIII. Rempublicam gerenti, cum illam admirabilem Oden fecisset, quâ fractas ejus consiliis Heterodoxorum opes, Rupellam receptam mira ante spirituque decantat, tantam illi Heroi de se admirationem concitavit, ut confestim ab eo Consiliarii & Interpretis in lingua Latina Regii munere ornatus fuerit. Dehinc alias complures variis temporibus non minore successu edidit, in quibus hæ maximè probantur.

## ELOGIUM.

probantur. Primum duæ illæ quas condæo Princî pi invictissimo, alteram dum adhuc Enguicennensium Dux esset, post rocrensensem pugnam, alteram post Dunkerkam expugnatam victori composuit; tum autem quam Suedorum Regina eximii animi dotibus supra sexum ornata anno M. DC. LVI. obtulit, atque adeo postrema, quâ Julio Mazarino Cardinali eminentissimo, Pacificatori summo, depulsos bellorum motus, Pacemque Regiis nuptiis firmatam gratulatur. Nonnullæ & ad maximum Regem Theodorum, qui nunc incomparabili animi magnitudine & pietate fessis rebus subvenit, ad Petrum Seguierium Franciæ Cancellarium ad Bullionem, ad Buthillerium, ad Balliolum, aliosque illustres viros ab eodem scriptæ extant. Quin etiam paucissimis ante obitum diebus, cum de Delphini ortu accepisset, animum fugientem ad vitam faustum nuncium ita revocavit, ut statim versus lætitiæ suæ testes funderet: quod Carmen extemporale aliis ejus poematis exempli causa inferi placuit, ut omnes intelligant, quid apud egregios cives charitas Patriæ valeat, quæ non morbi ullo cruciatu infringi, non ipsa morte extinguï possit. Verùm in his præcipuam ingenii & elegantia laudem sibi multorum judicio vindicant Hendecasyllabi, quos vice supplicis libelli Gramontio illustri Polemarcho misit, cujus patrocinio non mediocrem pecuniæ summam mali nominis fraude interceptam recuperaret. Utinam vero illa extarent, quibus languores suos expressit, dum supremo vitæ tempore sævillimis calculi doloribus conficteretur. Deus Immortalis! quo artificio, quibus coloribus omnes ejus morbi motus & symptomata describit? qua fide & pietate æger Numinis auxilium implorat? Credas animum

## ELOGIUM.

ibi esse. Quapropter orandi sunt atque obtestandi majorem in modum qui hæc habent, aut si qui fortè reperient [ alicubi enim ab Amicis exscripta latere aut dubito ] ne hæc bona situ & tenebris consumi, quàm in manibus & admiratione hominum versari malint. Ac de ejus in eo studii genere præstantia quid attinet dicere? Legantur ejus Poemata, ex horum lectione multò meliùs quàm ex cujusquam oratione quãtus vir fuerit, cognosci potest. Illud tamen non præteribo, quod Nicolaum Borbonium, amussitati ingenii virum & ipsum, quod scripta ejus indicant, Poetam eximium dixisse fama est. Cum enim Madelenetus, nullis dum scriptis editis notus, ei Carmem quodpiam à se conscriptum legendum dedisset, inusitatio carminis fulgore percussus exclamavit Borbonius, *ubi tu tamdiu latuisti?* Nempe ita semper vel Doctissimis probatus fuit Madelenetus, ut cum primò se ostenderet omnes mirarentur, non multò ante experimentis & profectu cognitum, cujus plena & perfecta facultas videretur, ceu non studio & labore, sed repentino afflatu Poeta extitisset. Quò minus nunc pro ejus gloria elaborandum est nobis, quæ non scriptis modò sed & continua Eruditorum existimatione & consensu nitatur. Etiam si nullos ejus versus haberemus, tamen eorum admiratio in hominum mentibus hæreret. Quotus quisque enim tamen obtuso est pectore, tam à Musis, tam ab omni humanitate alieno, qui non audierit divinas Madeleneti voces, iisque delinitus & penitus captus fuerit? Quæ hominum politiorum tecta, quis Regiæ Domus angulus, quæ penetralia ejus Carminibus non personuerunt? Quæ nemora, aut rupes, quæ speluncæ tam remotæ perfectos ejus concentus non acceperunt? Frustra igitur verbis commendarem quod sponte omnes lau-

## E L O G I U M.

dant, omnique plausus genere celebrant. Potius de fati inclementia querendum esset, quæ supremas optimi Senis in scriptis propriis recensitis cogitationes morte, non quidem immatura, sed tamen importuna, abrupit. Nec enim dubium est quin ejus Poemata & plura & emendatiora haberemus, si ipse iis manum ultimam imponere, ac quæ inchoaverat, absolvere potuisset. Nisi in curia ejus potius incusanda est, qui præsentis fama contentus, de posthumâ tam parum sollicitus esset, ut quas opes fudisset, nunquam tolleret; cum tot alii suas quisquillas summo studio colligant, multoque pumice expolitas omnibus obtrudant. Serò igitur & mortem iam imminente sua retractare aggressus negotium susceptum perficere non potuit. Quæ cunctatione, quot ejus lucubrationes perierint vix satis æstimari potest. Quin aliquot Gallico idiomate scriptas ab eo Odas vidimus: id his unam ad Richelium Cardinalem, de rebus ad Rupellam gestis, luce non indignam, quas licet edere Amicis ejus doctissimis visum non est, attamen ex his perspicui potest, voluisse eum & potuisse de lingua nostra bene mereri, nisi id propositum certis de causis mutasset. Quid reliquas ejus animi & corporis dotes commemorem? Non enim lyricis tantum versibus fingendis felicissimus fuit, sed & ipsius lyra vel potius citharæ pulsandæ peritus adeo, ut nec doctissimis in ea arte Magistris cederet. Denique nulla ars quæ liberali homine digna esset, ei defuisse ut videtur. Picturæ etiam & Sculpturæ sciens fuit, non ut pingeret, aut sculperet, sed ut earum artium opera cognosceret, in quibus videndis tam subtilis ingenium, tam eruditos oculos habuit, ut nihil eum in eo genere lateret. Staturâ fuit procerâ, ore paulo pleniore, optimo corporis habitu, cæ formâ, quæ dignitatem cum quadam gravitate coniunctam

## ELOGIUM.

præ se ferret. Morum tanta suavitas inerat, ea in congressibus urbanitas, ut omnes ejus consuetudine mirum in modum delectarentur. Nec enim eorum rationem probabat, qui quoniam sanos Helicone excludit Democritus, corporis cultum negligunt, non unguēs, non barbam ponere curant, obsoletis vestibus induuntur, eoque ritu absurdo famam ingenij non vulgaris captant. Contrà Madelenetus quàm in scriptis elegans, tam in vestitu & in omni vita nitidus & concinnus fuit: nihilque adeò cavet, quàm ne nimis. Poeta videretur. Nec verò magis ingenij cultu aut vitæ elegantia, quàm innocentia & sanctitate insignis fuit: cujus sanctitatis non mediocriter illud argumentum est, quòd nulla in ejus carminibus vel minima amoris scintillula exstat, nullum libidinis vestigium apparet, ut potiori jure quàm Virgilius, Parthenias dici mereatur. Quod si dum juvenis esset, aliquem ætati ludum concessit, (quod tamen haud certò affirmari potest) certè tantam in ea re moderationem attulit, tam in reliqua vita abstinens fuit, ut cùm celebs semper vixisset, vel severissimis censoribus suum celibatum probare posset. Ac nec Bacchus (quamquam eum impensius quàm amorem coluit) ita operatus est, ut quicquam homine gravi & composito indignum admitteret. Merito igitur tantis ejus virtutibus nullius non Magnatis fores patuerunt: quibus aperiendis illi Philosopho qui inde *Ευσεπαινοικτις* dictus est, haud quaquam cedebat. Quin & ad Ludovicum Regem XIV. quoties volebat, faciliè admittebatur, qui earum quoque virtutum æquus estimator, privilegia & annuam quingentorum aureorum pensionem ei ab ipsius Parente concessam confirmaverat. Cui pensioni & aliam Richelius septingentorum addiderat, quâ, quamdiu ille vixit, potitus est. Horum exemplo Iulius




## ELOGIUM.

Mazarinus annuo mille librarum æris munere suam in eum voluntarem testari voluit. Quid dicam de Ludovici Henrici Lomenij Briennæ Comititis, viri cum magnâ in Aula dignitatis, tum insignis eruditionis, singulari in eum studio & benevolentia? qui eum non modo vivum ornavit, ingenij ejus & rerum defensor acerrimus fuit, sed & nunc defuncti memoriam sic amplectitur, ut eam sua commendatione ac scriptis ejus recensendis atque conservandis quàm maximè illustrem facere studeat. Verùm ex claris viris qui ipsi cupierunt, nullius amicitia & rebus magis familiariter usus est quàm Claudii Bullionis Lonchenii, cujus illustrissimum Parentem celebraverat versibus, qui eum complures annos & tecto & opibus & omnibus rebus benignissimè fovit. Quocirca & paulò ante obitum cum in Patriam, suis ut rebus prospiceret, suaque Poëmata emendaret, proficisci statuisset, summum illum & raræ fidei Amicum comitem habuit. Obiit autem Altisciodori anno M. DC. LXI. ad XII. Calend. Decemb. cum per eam urbem transeuntem Propinqui miro affectu detinuisent, ex duplici tertiana, quæ senilem animam vigesimo primo postquam decubuerat, die, quadagesimo postquam urbe excesserat, septuagesimo autem tertio aut quarto ætatis anno vinculis exolevit. Elatus est dignâ funeris impensâ, & sepultus in Æde Virginis Deiparæ ejusdem urbis, curâ & pietate Ioannis Madeleneri ex fratre neporis, qui cum & tecto exceperat, & officiis omnibus viventem, ut debuit, prosecutus fuerat.



# ELOGIUM.



A D

ILLUSTRISSIMUM VIRUM

D. D.

LUDOVICUM HENRICUM

LOMENIUM

BRIENNÆ COMITEM,

REGI A CONSILIIS,

ACTIBUS ET EPISTOLIS.

Quod GABRIELIS MADELENETI  
dispersa opera in unum colligi curave-  
rit, & insigni elogio donarit.

O D E.


**S** I c te semper amet Pieris, & favens  
Respectet placido lumine Cynthius.  
Magni qui teretes MADELENETI  
Æterno numeros munere consecras.  
Nec longum pateris, post fera funera  
Tam chari capitis (qualis amabiles  
Rapti magnanimus Virgilii modos  
Augustus rapidis eripit ignibus)  
Musam errare, leves carpere & hanc notos,  
Mandatam foliis fortè volucribus.  
Quæ mox vindice te stabit, & additis  
In tutum solido corpore viribus




## ELOGIUM.

*Durabit monumentum , inclyte LOMENI,  
Phœbo si qua fides , are perennius.  
Doctus quam Tyberis potor , & accola ,  
Romanæque iocos , & veneres lyra  
Quæ gens cumque colit , nil popularibus  
Cantantem numeris , cunctaque Principi  
Flacco quippe parem , tollet in athera.*

CAROLUS DU PERIER.







GABRIELIS  
MADELENETI  
CARMINUM.  
LIBELLUS.

---

Ad illustriss. amplissimumque virum  
PETRUM SEGUIERUM.

FRANCIÆ  
CANCELLARIUM

O D E.



Brumpe segnes Caliope moras,  
Æqui tenacis mox Seguerij  
Per facta , per laudes itura ,  
Et patria decora alta fama.

Nunc erudito , nunc habili juvat  
Dudum tacentem pectine barbiton  
Pulsare , Virtutique lectos  
Eximie properare honores.

A

Non sumptuoso cui famulum grege  
 Visenda Signis atria perstrepunt ;  
 Gemmaque fulgentes & auro  
 Delicias , domus alta condit :

Non cui paventem summovet aulicus  
 Turbam fatelles , dum Luparam frequens  
 Contendit , & longa clientum  
 Conspicius vehitur caterva :

Non liliato qui folio gravis  
 Summi refecit Consilij Arbiter ,  
 Legumque custos , & severæ  
 Præcipuus Themidis Sacerdos :

Hunc , o Virorum maxime , protinus  
 Dignum putarim quem lyra concinat ;  
 Ni mentis ad præclara natæ  
 Dotibus eniteat canendis.

Nempe immerentes haud semel edito  
 Fortuna præceps constituit gradu ;  
 Partesque pejorum secuta ,  
 Prætulit accipitres columbis.

At tu Parentis gnaviter optimi  
 Magnis inhærens passibus , omnium  
 In te ora convertis , paternæ  
 In solidum probitatis hæres.

Quin & receptum sideribus Caput ,  
 Si quando amico lumine recreat  
 Terras jacentes , gaudet a te  
 Ut meritis potiore vinci.

Nec qui Togato , fallere nescius  
 Fallique , tantus præfuit Ordini ,  
 Cellisse felix erubescat  
 Egregio Patruus Nepoti.

Utque id fateri te, tuus & pudor,  
Et mos repugnent, qua tamen impetum,  
Famæque discursum vagantis  
Arte queas volucrem morari?

Sic latus almo nectare, Gallici  
Henricus, heu flos, gloria & Imperi,  
Præsentis audit Ludovici  
Nobilia sua trophæa.

Sic Prole felix Herculeæ Pater,  
Armandum Olympo suspicit inclytis  
Bellique, Facisque eminentem  
Artibus, & Pelago tremendum.

Non illa fari est ultima pars tui,  
Divis propinquo quod Gener obtigit  
Affinis, augustoque dignam  
Stemmata, Progeniem daturus.

Huic rite castis sub Penetralibus  
Nutrita Sponso Nympha adoleverat,  
Quam mille votis expetitam,  
Mille Procis, meruisse pulchrum est.

Sed me Tuorum quo rapit insitus,  
Flectique habenis impatiens amor?  
Dum læta florenti vicissim  
Omina Coniugio precatus,

Tantisper erro propositi immemor?  
Te nostra claris ingenio Viris  
Certam salutem, spem, decusque,  
Et colat, & memoret Camæna.

Seu te secundis nixa volubili  
Impellet auris Diva pedes globo;  
Alternata seu votis reflabit,  
Non animum quatiat, labantis

Mundi ruinas intrepido pati  
 More institutum; fluctibus obuia  
 Rupes ut inuerso furentes  
 Despicit oceano procellas :

Aut qualis ingens constitit ardua  
 Ceruice Pinus , quam Iovis impotens  
 Non ira , certantesque possint  
 Turbinibus sinuare venti.

Tu bracteata sollicitus comas  
 Phœbo merentum cingere laurea ,  
 Te Sacra Musarum renident  
 Auspice, te tribuente Colles

Frondent amœnis saltibus , & suos  
 Vates obumbrant ; te rutilas vehit  
 Præbente arenas Hippocrene ,  
 Auriferosque imitatur amnes.

Te prisca Virtus , te niveo Fides  
 Gaudens amictu , Juraque & Æquitas ,  
 Cultusque Honesti , Veritalque ,  
 Et Pudor , incolumi vigeunt.

Sed longiori carmine , publicas  
 Res ordinantem , totque negotiis ,  
 Tantisque distentum morari  
 Desine Caliope Jocosâ ,

Quid Belga tentet mobilis unice  
 Secura , noster quid Batavus paret ,  
 Versis in antiquum , prementem  
 Asperius , Dominum lacertis.

Nec non avito quid profugus Lare  
 Dux moliatur , præsidio hospitis  
 Fretus , quid infaustis Iberus ,  
 Quid Socii meditentur armis.

Hæc dum volutas pectore , dum tuis

Heroa curis Richelium juvas ,

Nos campus , & ripæ virentes ,

Aoniaque tenent Sorores.

Quod si qua nostris cantibus est fides ,

Si Numen alflat , Sequanicum brevi

Litus revifetis , perosa


Austriacas Aquilæ cohortes.

Promissa fatis jamque aderit dies ;

Orbis subactus cum tibi credit

Ceras adorabit Sigilli ,

Principis effigie verendas.



AD EMINENTISSIMUM

CARDINALEM

DUCEM

R I C H E L I U M

O D E.

**O** R B I S Heroas domiti triumphis  
Inclytos , audax memorare Clio ;

Nunc mihi totos Heliconis alti

Pande recessus.

Dic modos suaves , quibus eruditas

Applicet grandis R I C H E L I U S aures ,

Dic & acceptos pueris Deorum

Barbite cantus.

GABR. MADELENETT

At quis imbelli cythara , fugatas  
Hostium passim memoret cohortes ?  
Quis solo æquatas fidibus jocosis  
Concinat arces ?

Hæc ament quamvis graviore plectro  
Facta sacrari , tamen ire certum est ,  
Qua viam pollens numeris , & arcu  
Monstrat Apollo.

Gallicæ custos , columenque Gentis ,  
Et rei clarum decus , in perennes  
Ergo te fastos referat canoro  
Pectine Musa.

Quid prius dicat ? patriisne fœtum  
Dotibus pectus ? veneresne linguæ  
Melleæ ? an dignum Imperio serenæ  
Frontis honorem ;

An parem Sceptris animum , arduisque  
Unice rebus facilem gerendis ?  
Seu placet belli , sociasve pacis  
Dicere leges.

Vividi post hoc aciem loquatur  
Ingeni , cæcas procul intuentis  
Hostium fraudes , positosque acuto  
Lumine casses.

Mentis arcanos tibi dicat uni  
Principem sensus aperire , teque  
Iactet huic fidum gravibus levare  
Pectora curis.

Tot tibi exhaustos per æcerba casus ,  
Ac tot infomnes studio quietis  
Publicæ noctes , celeresque narret  
Vertice canos.



C A R M I N U M   L I B .

Senſit hæc Divum monitu Sacerdos ,  
Cui triplex ardet capiti Corona ,  
Cum tibi inſignes humeros Latino  
Murice fecit.

Flammeum vicit radiantis oſtri  
Clara geſtorum ſeries nitorem ,  
Spemque Romani Patris occupaſti , &  
Vota Senatus.

Nam per infanos Procærum tumultus ,  
Perque civiles medius procellas ,  
Tu laboranti Patriæ benigni  
Sideris inſtar

Dux bone affulges ; micat alba nautis  
Qualis illuni Cynofura nocte ;  
Jamque forbendas avidis carinas  
Eripit undis.

Ab ſacris orſus , properas nefandæ  
Impios cœtus abolere Sectæ ,  
Quasque dejecit maleſuadus error ,  
Erigis aras.

Vidimus terra , pelagoque fuſos  
Navibus fortes , & æquis Britannos ,  
Rapta queis noſtri ſpolia alta pendent  
Fornice Templi.

Vidimus longa , ſtupeant Nepotes ,  
Æquoris Regem domitum catena ?  
Et ſuperjectas ſubiſſe victo  
Gurgite moles.

Auſa tot Regum violare Faſces  
Urbs adhuc ſtaret , tua ni duello  
Fulminans , ſtraviſſet humi rebelles  
Dextera muros.

Audiit vastæ sonitum ruinæ  
 Italum campis equitans Iberus,  
 Qua suum largo Phæthonia lugent  
 Imbre Sorores.

Te per abruptos scopulos euntem,  
 Fortium delecta manus virorum  
 Ardet, exultatque sequi, metitque  
 Obuia ferro.

Impiger canas superavit Alpes,  
 Et viam Gallus sibi fecit ense;  
 Nulla victrices potuere turmas  
 Claustra morari.

Non gelu deformis hyems inertī  
 Castra tardavit, residere muris  
 Abdidit, quanquam Ducibus recepto  
 More, catervas.

Quid Padi ripis memorem coactas  
 Cedere Hispanas acies? avitis  
 Redditam quid te Imperiis, Ducique  
 Mantua Carlo?

Tum Pater flava Tiberinus unda  
 Extulit latum caput, & superbæ  
 Gentis inuisos tibi, Roma, cœpit  
 Temnere fastus.

Scilicet regnata diu Capeti  
 Posteris, heu Parthenope relictos  
 Mœret, ac duris tibi læsa tendit.  
 Brachia vinclis.

Quique victorem sine fraude Gallum  
 Novit insuber toties, iniqui  
 Iussa fastidit Domini, palamque  
 Lilia captat.

Nempe Regali folio decora  
Allicit Virtus populos sequaces ,  
Et triumphatas sine clade Sceptris  
Adiicit urbes.

Quid quod eventus tibi rite cœpris  
Defuit nunquam ? pudet ire contra  
Namque Fortunam , & Superis probatas  
Linquere partes.

Qui rebellantes pavor occuparit  
Nancium testis , patriis & exul  
Sedibus , necnon aliena Princeps  
Arma sequutus.

Atra ceu quando intonuit sonora  
Nube tempestas , fugiunt relictis  
Pascuis armenta , vagoque palans  
Cum grege pastor :

Haud secus nimbos equitum ruentes  
Lotharus , proh ! quam tibi Ductor impar ,  
Fugit , ærisque ignivomi daturas  
Funera glandes.

Arx erat , vivo solidata faxo ,  
Undique accisis aditu maligno  
Rupibus , celsasque petens minaci  
Vertice nubes.

Hanc sibi extinctæ prope Dux salutis ,  
Et fugæ portum ratus , obsideri  
Protinus Gallo doluit tremendas  
Robore cautes.

Regis invicti auspiciis , tuoque  
Militans ductu , sitiensque laudis  
Bellicæ Pubes , in aperta gestit  
Ire pericla.

Nec mora, impacto quatefacta moles  
 Dissilit ferro, penitusque cassæ  
 Saxei montis patuere multa  
 Labe medullæ :

Mox ubi ingestus filici cavatæ  
 Fomes ad motam rapuit favillam,  
 Concidit vasto solidus repente  
 Agger hiatu :

Qualis horrendo fremitu dehiscens  
 Terra, bacchantes uteri cavernis;  
 Parturit ventos, trepidoque vertit  
 Oppida motu.

Per supinatas animosa cautes,  
 Dum parum vitæ metuit Juventus,  
 Emicant scalis, manibusque aduncis  
 Mœnia prensant.

Masculas vires, animique robur,  
 Impetu fidens male pertinaci  
 Hostis expavit, positisque Regi  
 Paruit armis.

Dedita bellax trepidavit arce  
 Rhenus, & cultor Vogesi trophæis  
 Additus, nostri veritusque Trevir  
 Nominis umbram.

Quaque pugnaces gelida sub Arcto  
 Durat immitis Boreas alumnos,  
 Celtici per te metus invalescit,  
 Famaque Sceptri.

Huic & invictum genus ante bello  
 Gotthus apparet, Tanaisque proles  
 Horrida, & Dacus, Scythicæque torvus  
 Arbitrator.

C A R M I N U M   L I B .

33

Palpitat corde , & genibus labascit  
Auftrius , nempe exitium sibi que ,  
Et suis præfens , inimica sentit  
Arma minari ;

Scit viris , scit quantus equis paretur  
Sudor , accitos ubi Rex in hostem  
Contrahit Regni Proceres , Ducumque  
Agmina cogit.

Heu quis adversas acies inivit  
Torpor ? ut sparsit fuga ! prodeuntes  
Tot simul campis fera cum moverent  
Prælia Galli.

Non ita in fœtus ovium tenellos  
Sævit impastæ rabies lænæ :  
Aut procul viso lepori , Tonantis  
Armiger instat ;

Lectus ut densas ruit in phalanges  
Gallicæ flos militiæ , retroque  
Contudit versos , spoliisque lætus  
Ivit opimis.

Omnibus sed me potior triumphis  
Admonet GASTO , Patriæ , sibi que  
Redditus , dum te præeunte fallit  
Hospitis artes.

Civibus , Fratri Dominoque raptum  
Per scelus Fratrem , tibi res gerenti  
Festa gratatur reducem , fremitque  
Plausibus Aula.

Hic dies chari Ducis impetrato  
Jure solennis reditu , nitentes  
Purius soles , retulitque apertis  
Otia portis.

Pallet instantes capiti ruinas  
Indici magnus populator auri ;  
Et reformidat duplicata belli  
Fulmina Fratres.

Sic tuis Regni stabilita curis  
Usque majestas fletit , & ruerunt  
Æmulæ vires , jacuitque sectis  
Faucibus Hydra ,

Quam nec armatæ domuere quondam  
Principum leges , potuitve magni  
Sternere Henrici moritura nullo  
Tempore virtus.

Cætera æternæ monumenta famæ  
Quælyra æquarit ? Fora te , plateæque ,  
Et novo clarant decorata Divum  
Limina faxo.

Quos tibi laudum titulos resectum  
Arrogat Sacræ Sophiæ Lyceum ?  
Quo pias Sorbona magistra Veri  
Detinet aures.

Hinc sibi responsa petit verendi  
Numinis cultu super , abditisque  
Rebus ; hinc leges docilis sacrorum  
Turba reportat.

Vix ego te transferim , nitenti  
Ædium cultu , paribusque cælo  
Imminens tectis , Richelæa , tanto  
Auspice felix.

Illâ nascentis mihi præter omnes  
Oppidi ritit species ; amœnam  
Ductilis vallem secat hinc perenni  
Flumine rivus ;

Explicat densas vetus inde frondes  
Silva , non mordax ferit hanc bipennis ;  
Aut valent torrentis agros inire  
Spicula phæbi.

Stemma non mendax generis vetusti  
Assidet juxta Domus , & decoræ  
Obstufescentes oculis moratur  
Ordine molis.

Has tui quondam proavi , Deorum  
Sanguis , antiquas posuere sedes ;  
Et sua deinceps tenere digni  
Stirpe nepotes.

Jam tibi nil non grave molienti  
Porticus amplas spatiosa debent  
Atria , ostentantque superba longe  
Culmina Turres.

Ut juvat magnas animas , siquæ  
Seculi quondam decora , hæc adepto  
Fortiter gestis propiora Cælo  
Testa tueri !

Arte molliti lapides , & æra  
Hic suis spirant animata Signis ;  
Fallor ? an pictæ tabulis moventur  
Sponte figuræ ?

Tot viis auctam neque te filebo  
Urbium Regina , Caputque Gentis ,  
Et resurgentes operosiore  
Aggere muros.

Æstuat denso fremitu per amplos  
Civium proles numerosa vicos ;  
Et novo ritu positas renarrat  
Advena portas.

Quin ubi turpes jacuere tetro  
Halitu , cæloque gravi lacunæ ;  
Te salutare medicantē præbet  
Jupiter auras.

Stravit obscænas adeo mephires  
Sequana , & jussu refluens canali  
Latius regnat , dominæque circum-  
funditur urbi.

Sic & Alcides fera monstra natus  
Perdere , Augiæ stabulum fluentis  
Lavit Alpei , meruitque Patris  
Ducere nectar.

Interim vellens mihi dexter aurem  
Cynthia , mitte hæc leviora , dixit ,  
Quem lyra tendis celebrare , lectos  
Poscit honores :

Numini morem gerere instituta  
Dulcis o Pimplea gradum reflecte;  
Quoque cæpisti eximias tenore  
Desine laudes.

Servat A R M A N D I , meruitque nutus  
Omnis Europe : tibi belluosi  
Militant ponti vada serviuntque  
Flatibus Euri.

Flebit æternis lacrymis Ibera  
Classis amissum decus , & receptas  
Insulas nostris , ubi falsa findunt  
Æquora terras.

Adde quod nostris ratibus per altum  
Nauta securus volitat ; tuoque  
Munere extremis Patriam revisit  
Dives ab Indis.



CARMINUM LIB.

11

Quin suus per te nitor obsoletis  
Artibus tandem redit , & Camænis ;  
Nec premit doctas inhonora vaturn  
Laurea frontes.

Quid quaterdenos referam Sodales ,  
Gallici clarum eloquii Tribunal ,  
Et reflorentes per acuta Martis  
Clasfica Musas ?

At gravi mentem furiatus æstro  
Quem tremat Bætis cupidusque livo  
Macerat , nostro scelerata figit  
Limite Castra.

Per nefax audax ruit omne miles ,  
Sacra prædatur , puerosque fari  
Nescios mactans sobolem parentum  
Cæde volutat.

Territus potor Somonæ frementes.  
Accolas turbat ; capit arma princeps  
Civitas : at tu Patriæ timores  
Discutis unus ;

Nam tuis cedens inimicus atrox  
Machinis rursus didicit cruento  
Nostra quid Martis , duce te , valere  
Agmina ludo.

Belgicos , ira stimulante , fines  
Invicem Gallus populatur acer :  
Jamque fatali Austriacis potitus  
Urbe triumphat.

Regis augustum Diadema posthac  
Sabis asserta veneretur unda ;  
Pareat deinceps Domino revictus  
Belga priori.

Nec diu Hispanas metuet secures  
Atrebas , noster propere futurus ,  
Martia audentes simul increpabit  
Buccina Francos.

Quæque Pompei geris alta nomen  
Civitas , quondam sapiens , dabuntque  
Hostici , pennas quatiente Gallo ,  
Terga leones :

Oderit sævæ juga servitutis  
Cantaber lenis tolerare nostra :  
Nec feret longum ambiguos amores  
Nympha Pyrene.

Quas virum strages dedit Occitanæ  
Gens plagæ cultrix ? celerare crudum  
Ausu certamen , subitasque præceps  
Carpere lauros.

Compede hostili cito liberata  
Leucas , infectum mare non suorum  
Cædibus risit , sanieque fœdum  
Litus Ibera.

Prædicas Regi facinus , Ducemque  
Militis functum vice : militari  
Auctus hinc sceptro , decoris paterni  
Prodigus emptor.

Nempe , te rerum moderante habenas  
Rege sub tanto , bene facta merces  
Non gradu lento sequitur , manetque  
Pœna scelestos.

Te manu , te consilio juvante  
Principem , jam nunc dabitur videre  
Liliis mistas Aquilas , dolente  
Cæsare vinci.

C A R M I N U M L L V.

19

Penſa nec duræ peragent Sorores ,  
Antequam voti potiare ſumma :  
Noſque terrarum dominos uterque  
Sentiât Axis.

Ut diu Regi affideas fidelis  
Suaſor , & pulchri focius laboris ,  
Cereos flecti precibus fatigat  
Patria Divos :

Pronus ut cæli favor inſtitutos  
Proſperet curſus , laterique ſemper  
Hæreat Fas , & Decor , & coruſcis  
Gloria pennis.

Urbibus , campis facilem miniſtret  
Uberi victum gremio beata  
Fauſtitas : Bacchum , Cereremque tellus  
Aurea fundat :

Non Perhorreſcat nemorum latentes  
Aviis ultra inſidias viator :  
Et colat tutus bove nota pingui  
Rura colonus.

Te ſenes babi , teneræque leſtis  
Virgines miſtæ juvenum choreis ;  
Te nurus , matreſque , virique certent  
Tollere ad aſtra ;


Publicæ A R M A N D U M referant ſalutis  
Tindicem , quo jura , pudorque ſimplex ;  
Quo tenax recti pietas , fidelique  
Soſpitem regnent.

Te regat late populos ſecundo  
Magnus in plures L O D O I C U S annos :  
Sera te parto meritis Olympo  
Fata reponant.

B

Sic tuus dulci procul Urbe vatès  
 Inclytum bellicque, domique factis  
 Nomen A R M A N D I patrias docebat  
 Reddere filvas :

Plura dicturus, mea si juvabunt,  
 Et lyræ solers tibi Musa cordi est,  
 Quæ fatigatam recreet jocofo  
 Carmine mentem.



## E Q U U S L U D O V I C I X I I I .

Qui Luteriæ in Area Regia visitur.

**T** A L I S in adversos ruit imperterritus hostes,  
 Loricam si quando humeris, capitique co-  
 mantem.

Induerit galeam, laterique aptaverit ensẽ  
 Fulmineam L U D O V I X : sic ora oculosque ge-  
 rentem

Bellator sonipes media in certamina mittit

Tela per & flammæ, non ocyor agmina Mavors.

Cogere, non campis acies educere apertis;

Sapius aut fufas vidit dare terga phalanges :

Præruptis castella jugis seu claudere vallo

Profuit; edomitalque, Italis trepidantibus, Alpes.

Et quæcumque alacri perrumpere milite claustra :

Sive opus incinctos hostili indagine cives

Tutari, & pavidas formidine solvere matres,

Protinus ac nostris inimica è finibus arma

Pellere, suavit amor Patriæ laudumque cupido.

C A R M I N U M L I B.

Sensit Iber , sensere Aquilæ , quid vivida bello  
Dextera , quid valeant excitæ in prælia vires  
Magnanimi ductoris, ovat quo Martia pubes  
Francigenum , spondetque novos sine cæde triumphos.

Illum etiam,immani dum classe,virisque Britannus.  
Auxilia obsessis properat ; terraque marique  
Bellantem expavit ; mediisque ambustus in undis  
Debita litoribus nostris ludibria soluit  
Et puduit laceras Tamesin rediisse carinas.

Tot capitum sic illa ferax tandem occidit Hydra:

Sedati Procerum motus , animique rebelles ;  
Alta quies populis parta , æternumque resedit  
Factio , principibus quæ respondere tot annos  
Ausu suis , ipsas rerum tentabat habenas.

Tum passim rediit longo post limine Divum

Religio ; nituere prius squalentia sædo

Templa situ , cultæque aræ ; extortique profana s  
Sacrorum reditus : nec jam impius auferet error.

Mox versæ ad Socios curæ ; quos dura premebant

Servitia ; Hispani calcata superbia fastus ,

Excussum cervice jugum : porrectaque longe

Regnorum spatia , & Francis sua reddita sceptris

Majestas , nomenque , & priscae gloria famæ.

Consiliis A R M A N D E , tuis , & pectore fretus

Intrepido , hæc gessit , quo res nunc præside flores

Gallica , te fidum expertus , sacrique tenacem

Arcani ; quem non æstus , non frigora brumæ ,

Corruptæ non imbre viæ , non cana pruinis

Æquora camporum , non exundantia ripis

Flumina , non montes , non invia saxa morentur

Ire citum quo jussa vocant : bellique domique

Egregium , & lætæ per aperta pericula frontis.

Hinc comitem sibi te assiduum,sociumque labore:

Ascivit , primosque à se concessit honores ,

Et dedit imperii partes implere secundas.


Prospera virtutem evectam fortuna sequuta est ,  
Inque dies , ducer te , magis aurea lilia crescunt ,  
Lilia cognati non ultima cura Tonantis.

Claraque ut extarent delati à Principe summi  
Muneris judicia , & gratæ vestigia mentis :  
Huic visum est sacrare perennem ex ære Colossum,  
Conspicuaque urbis dominæ regione locare ;  
Qua patet augusto quæ nomine dicta superbit  
Area ; tectorum series pulcherrima surgit  
Hanc circum , tollitque pari se vertice ad auras.  
In mare labentes voluet dum sequana fluctus ,  
Attolletque polo Regina Lutetia turres ;  
Herois placuit , subtrato marmore , grandem  
Stare hic effigiem , venerandaque civibus ora :  
Atque hæc æternis mandari carmina saxis.

*Hæc posuit Regique suo , Patrique Parenti*

*Richelæus ductis spirantia vultibus ara ;*


*Tertius à decimo LODOVIX quot victor acervos*  
*Straverit , attonitis quondam monitura nepotes.*



## A M P H I T R I T E R V E L L I A N A.

**N**EPTUNI thalamos visum est , atque hu-  
mida regna  
Deferere ; & castas posita salsedine lymphas ,  
Et varios istuc laticum perducere fontes :  
Undique Richelio nostris famulantibus undis.  
Hinc rauco late resonant loca murmure lata :  
Hinc trepidant , lenique ruunt per saxa fragore ,  
Subjectosque gradus , per & intervalla fugaces  
Subsiliunt rivi , jussisque ambagibus hortos ,  
Et sacrum nemus ex hilarant , hinc Gallica Tempe ,

Deliciæ hic Ducis egregii, seu pectora curis  
 Fessa levat, seu bella animo, pacesque volutat,  
 Principis auspiciis, & amico numine tutus.  
 Hunc fero terris cunctantia fata, marique  
 Invideant Heroa precor caloque reponant.



A D

ILLUSTRISSIMUM VIRUM  
 CLAUDIUM BULLIONEM  
 GALLIARUM ÆRARIII  
 P R Æ F E C T U M.

O D E.

**Q**U A L E vas summo tenus ore plenum  
 Fontis infuso vitrei liquore;  
 Non maris vasti nimium profundis  
 Invidet undis:

Nostra te talem veneratur atas  
 Ante quæsitis opibus beatum,  
 Quam reluctanti tibi crederetur  
 Regia Gaza.

Non enim somnos adimit cupido  
 Cæca majorum, studiumve lucri  
 Turpis, infans miserum fatigat  
 Pectus amore.

Digna res prisce genio Catonis,  
 Plura poscentem cohibere frænis  
 Spiritum, & grandes sibi temperare  
 Inter acervos.

Multa communis tibi cura census ,  
 Parca privati : sine fraude partis  
 Splendide dives tibi , si redundet  
 Principis arca.

Tot licet campis acies , marique  
 Compriment ausus stolidos Iberi ,  
 Stent virum quamvis numero carentum  
 Robora in armis ;

Publici prudens moderator æris  
 Rite cavisti sua ne deesset  
 Militi merces , facilisque rerum  
 Copia castris.

Quem virum princeps animosiores  
 Rebus agnovit trêpidis ? magisque  
 Tempore expertus dubio fidelem  
 Altique silenti ?

Cui magis cultum dominæ togato  
 Numen Astrææ ? rata quis clienti  
 Jura , quis fonti potior sequaces  
 Dicere pœnas ?

Hinc & HENRICUS , titulis avorum  
 Major , allegit sibi te ministrum ,  
 Pacis alternos docilemque belli  
 Ferre labores.

O recurrentes utinam per annos  
 Te diu fervent Domino, tuisque ;  
 Dentque florentem placida quiete  
 Fata senectam.

Usque dum curis gravibus solutum  
 Exprimant nati meritis parentem ,  
 Et colat magni genitoris artes  
 Turba nepotum.



Emori prorsus lyra te verabit  
Nostra, quæ dulces modulata cantus  
Audet Heroum tenui sonare  
Carminè laudes.

Cana dicentur pietas fidesque  
Aureo, per te reduces ab ævo ;  
Et peregrino decorata passim  
Marmore templa :

Saxeas moles, domitoque nuper  
Sequana extantem referet Colossum,  
Hic ubi vivo stupet ære ductos  
Advena vultus.

Quin & herbarum nova, te secundo,  
Gramina, & succos loquar efficaces,  
Qua suburbani medicis virescunt  
Stirpibus horti.

Nempe victuris nihil Orbe toto  
Majus est chartis, neque si tacebunt  
Ulla virtuti superesse possit  
Fama sepultæ.

Qui putas nostri decus, & futuri  
Seculi exemplum RICHELIUS atram  
Edomet sortem, nisi amica, cælo  
Musa bearit?

Nec tibi regum, LUDOVICÆ, princeps  
Vita post mutos cineres redibit,  
Aut triumphatus, sine Vate, quicquid  
Proderit Orbis.

Cuncta fatalis metet hora; sacros  
Ingeni sætus series dierum  
Nulla delebit, Jovis aut proterui  
Subruet ira.

Te suis ergo facilem Camænis  
 Sentiant dexter quibus est Apollo ,  
 Queis & A R M A N D U S faver erudita  
 Commodus aure :

Huic vides pindi chorus ut perennem  
 Flore concinet vario coronam ,  
 Sic sui fama fruitur , caputque  
 Inferit astris.



AD EMINENTISSIMUM  
 CARDINALEM  
 DUCEM.

R I C H E L I U M.

Redituros Atrebatæ ad priores Dominos  
 triennio antea Poë a prædictum  
 quam res gesta sit.


\*

T E R T I A maturis fluxit iam messibus ætas ;  
 Dicta mihi lyricis cūm tua facta modis ;  
 Parva quidem immensum , fateor , dare vela per  
 æquor

Aufus , & exili magna referre sonò.  
 Non tamen illepidum visum est tibi munus amicæ  
 Melpomenes ; fati confia & illa fuit ,  
 Belgica mox Gallus circum fremet oppida miles ,  
 Quin Atrebas , dixit , te duce noster erit.  
 Quam vere ? belli eventus docuere secundi ,

\* Videatur pag. 18. od. ad emin. Cardinal. Richel.  
 Arque

Atque recens capta mœstior urbe Tagus.  
 Summe Ducum , prædicta mihi , nec vana canenti  
 Quod peragis , Vates monstror ubique tuus.  
 Te , tuus , unum oro , per tot geminata trophæa ,  
 Per festas populi plausibus usque vias ,  
 Per divina precor venturæ carmina fortis ,  
 Per quod non mendax musa dicavit opus ;  
 Sacrorum è reditu capiat sacer annua Vates ,  
 Cui thalamus cœlebs , nec nisi casta placent.



A D

ILLUSTRISSIMUM VIRUM  
 CLAUDIUM  
 BUTHILLERIUM  
 SUMMUM  
 ÆRARIIGALLICI  
 PRÆFECTUM.

O D E.

O Quæ Pieridum læta virentibus  
 Antris , Castalio fonte poetica  
 Fundis mella , novos , Melpomene , meo  
 Dic B U T H I L L E R I O modos ,

Qui frontem gravibus sollicitam diu  
 Curis exhilarent , & fide Romula  
 Paulum detineant , fessaque recreent  
 Rebus pectora publicis.

\* Videatur pag. 18. od. ad emin. Cardinal.  
 Richel.

C

Quid primum referes aurea mollibus  
 Testudo numeris? cunctus enim mihi  
 Virtutum chorus est obvijs, inclytum  
 Dicturo meritis virum:

Hinc prisca probitas æmula seculi,  
 Hinc recti studium, & pollicitis tenax:  
 Arcanique fides, tergemina sibi  
 Poscunt laudis adoras.

At quam Regis amans, quam Patriæ, docet  
 Transacta obsequiis longa fidelibus  
 Annorum series; gestaque prosperis  
 Regni munia Fascibus.

Quid majora loquar? quid dubiis parem,  
 Ac lætis animum, & gaudia fordidi  
 Impermissa lucri spernere nobilem, &  
 Lamnas divitis Indiæ,

Testis fama mihi, testis ab optimo  
 Gazæ summa tibi credita Principe:  
 Immuni sceleris quatenus hæc sacra  
 Tractari decuit manu.

Quod splendet titulis stemmate nobili  
 Per tot ductus Avos ordo propaginis,  
 Non fortis dubiæ muneris id fuit:  
 Virtus una sed extulit

Authorem generis non humilem tui,  
 Quem, dum jura darent Armoricis Duces,  
 Claravit, triplici sub Domino, sacri  
 Princeps cura cubiculi.

Magnas inter opes quis moderatius  
 Te degit, neque enim clarus honoribus  
 Infra te positos despicias, arduum  
 Tollens plus nimio caput.

Morosi asperitas nulla supercili  
 Accessu prohibet : blandaque comitas ,  
 Et fandis solidis copia lucibus  
 Quemvis alloquio beat.

Securus tua nunc tecta petit cliens ,  
 Nec , quo more alias , Janua ferreos  
 Postes semper amat , torvus & invio  
 Custos limine summovet :

Longæ nulla moræ tædia supplicem  
 Turbam conficiunt , votaue civium  
 Optatos propere ducis ad exitus :  
 Qua fas , & Dominus sinunt.

De te plura aveam dicere , ni tuus  
 Laudari metuens id renuat pudor :  
 At quis progeniem tam similem tui  
 Non voce & cithara canat ?

Quis Natum patriis dotibus , & suis  
 Pollentem fileat ? divitias , decus ,  
 Mores , ingenium , non sine pectore  
 Large cui Deus obtulit.

Non hunc deliciæ , & mollis inertia ,  
 Non infanus amor , non male prodiga  
 Fregit luxuries : at pia Numinis  
 Formido superi juvat.

His fortuna domus præfidiis stetit :  
 Hinc gentis varios infula vertex  
 It circum , hinc sobolis pignora , quæ tuus  
 Sanguis progenit Leo.

O quas lætitiæ parvus Avo nepos  
 Maturat segetes ! quantaue gloriæ  
 Incrementa suis mox dabit optima  
 A R M A N D U S juvenis spei !

Nascenti Genius risit, & impares  
 Affudit placido lumine Gratias,  
 Quæ certatim oculos prætereuntium  
 Dulci pelliciant mora.

Magni concilio sic Jovis interest  
 Latonæ gracilis filius, auream  
 Pulcher cæsariem collaque lacteus,  
 Et fura tereti nitens.

Quem, non, ingenuus fiderei decor  
 Vultus, illaqueet compede amabili?  
 Sed formæ brevis heu! flosculus interit  
 Annis præda volucris;

At vivax animus, quem melioribus  
 Formandum studiis egregius parens  
 Laudato artifice tradidit, & bonis  
 Totus nunc madet artibus:

Hunc secum genitor vix docilem viæ  
 Abduxit Ligerim præter, & ultimi  
 Trans ripas Rhodani, duret ut aulicæ  
 Jam nunc militiæ latus.

Gentes finitimæ discet Iberiæ,  
 Arcesque attonitas, fulminis in modum  
 Quas justo L O D O V I X Marte potentior  
 Gallo milite diruit:

Deletas acies, capraque tot ducum  
 Iam callet digitis agmina, & aureæ  
 Prædæ pondera, quæ miserat huc suis  
 Nequicquam auxilio Tagus.

Fortunate puer, cui datur his frui  
 Rerum primitiis, quemque suo potens  
 A R M A N D U S vocitat nomine, quem suo  
 Hærentem lateri foveat.

Ni Parca obstiterit, te mea concinet  
 Olim Musa virum : tu mihi carminis  
 Jugem materiam sufficies, Patrem,  
 Et factis referens Avum.

Et nos si qua manet posteritas, tui  
 Nulla ætas veniet nominis immemor,  
 Diceris Latine dum Veneres lyra  
 Pars orbis melior colet :

Sed Jam, Diva fatis : nam juber ocyus  
 Cogi concilium sanguine regio  
 Cretus B O R B O N I D E S, qui Domini procul  
 Bellantis gerit hic vires ;

Dum ponit populis jura volentibus,  
 Invitosque domat victor, & hostium  
 Campos funeribus sternit, & arduæ  
 Pyrenes quatit oppida.

Huic ingens animi R I C H E L I U S comes,  
 Qui mortale supra cogitat, & sapit :  
 Quo Rex incolumi sospes, idoneus  
 Belli, pacis & Arbiter.

Quem dum cura coquit pervigil, & flagrans  
 Cali temperies insoliti gravat,  
 Morbus torret atrox : scilicet ingens  
 Venis exuperat vigor.

Indigno doluit Martius hospitis  
 Casu Narbo sui : sed patientia  
 Herois, dolor & noxia vis hebet  
 Gliscentis penitus mali :

Verò pressa metu Gallia, squalidos  
 Implevit lacrymis uberibus sinus :  
 Quo mox imbre tumens Sequana, pontium  
 Moles, frænæque dissicit.

30 GABR. MADELENETI  
Non averſa diu Numina publicæ  
Mollivere preces , ſponteque brachio  
Subſidit tumor , & reddita poſtmodum  
Regni præſidio ſalus.

Hoc longum valeas ſoſpitem , Patria ;  
Et ſis tuta precor : ſerius inuida  
Hunc fata eripiant & Domino , & tibi ;  
Miſcendum ſuperis Ducem.



A D

ILLUSTRISSIMUM VIRUM  
JOANNEM  
BOCHARTIUM  
SECRETIORIS CONSISTORII  
ADSESSOREM,  
ET SACRI ÆRARIII PRÆFECTUM.

\*


**P**RISCA licet præſcis vigeat virtutibus ætas ;  
Nec detur noſtris moribus eſſe probum :  
Tot tamen antiquata fides pietasque per annos  
Auspiciis redeunt , Numina præſca , tuis,  
Ecquis enim proavum te Religionis amore  
Clarius antiqua , vel probitate fuit ?  
Quis Themidos coluit veteres conſtantius aras ;  
Nec non auguſtæ jura verenda Togæ ?


\* *Hunc primum ingenij ſui ſæctum eſſe teſtatur  
Poeta Ode ſequenti.*



Scilicet hac decuit fama invidiosa Monetæ ,  
His decuit meritis Tempia subire Deæ.  
Nam velut incluso tellus quæ fertilis auro est  
Vix parit arenti mascula farra solo ;  
Sic ubi regali exundans opulencia luxu  
Affluit , integritas parcior esse solet.  
Quo magis illa tuæ arguitur præstantia mentis  
Quæ tibi commissas non tamen ambit opes.  
Sacra fuit manibus credenda pecunia castis ;  
At tibi quis tales , sobrius , esse neget :  
Sublimis lucrique animus contemptor avari  
Non potuit summam non meruisse fidem.  
Non Jam erepta dolet grati sibi munera quisquam  
Principis , aut medio deteriora capit :  
Non orbis subtracta videns solatia natis ,  
Bis luget cæsum , mater , ab hoste virum :  
Non queritur truncata sibi stipendia miles ,  
Et sua sacrilegas damna beare domos ;  
Gaudet at intrepidum caput objectare periclis ,  
Pulchraque legitimo vulnera Marte pati.  
Nempe occlusa diu virtuti æraria pandis ,  
Nec finis hanc nudo laudis honore frui.  
Hinc Procerum egregios ausus , & fortia bello  
Facta , juvat meritis nunc cumulare bonis.  
Hinc per te ingenij referunt quoque præmia dotes ,  
Muneribusque foves Pallada utramque suis.  
Quin etiam reduces tibi cultior Aula Camænas.  
Debet , & appensæ reddita plectra lyra.  
Hæc fidibus dudum tacuit viduata canoris ,  
Nunc celebrat laudes , garrula , facta , tuas.  
Hæc privata tuis , hæc publica commoda curis  
Aucta , renascenti prosperitate , canit.  
Urque triumphatos , duce te prostraverit hostes  
Cinthius , & doctas monstra perosa Deas.  
Nec filer Aoniis ut iniqua laboribus , æquo  
Nupera barbaries carcere clausa fremat.

Parnassique jugis ut per te absistat egestas,  
Prislinus & lauro restituatur honos.  
Denique Gorgonei ut sterilis prius unda Caballi  
Hic fluat aurato nunc pretiosa sinu.  
Inclita divitibus valeant mihi litora conchis,  
Et valeat rutili dives arena Tagi.  
Gastalios avido quisquis bibet ore liquores,  
Nec sitis hunc ardens, nec premet arcta fames;  
Sed penes hunc positus Fortuna morabitur alis,  
Et deget placidos, te tribuente, dies.  
Has tibi Musarum urbis persolvere grates  
Me, licet emerita, jussit Apollo Chely.  
Quamlibet exigui officium ne despice Vatis,  
Et quæ nos colimus, tu quoque Sacra colis:  
Nec te tantarum prohibent molimina rerum  
Nonnunquam paribus necere verba modis.  
Scilicet assiduo mens fracta labore fatiscat,  
Ni quandoque levant otia molis onus;  
Otia, queis dextro condatur Appolline carmen,  
Et fluat ingenij vena beata tui.  
At dare materiam scriptis quam scribere prestat;  
Quin potius major laus ab utroque foret.  
Adde quod hæc pulchro sibi fœdere juncta coha-  
rent,  
Carmen amat quisquis carmine digna facit.





VIRO ILLUSTRISSIMO  
FRANCISCO SUBLETIO  
NUCERIO,

REGI CHRISTIANISSIMO  
AB EPISTOLIS, ACTIBUS,  
ET MANDATIS,  
Necnon principalium Ædificio-  
rum Præfecto.

O D E.

\*

**D** I C E N D U S memori tū quoque carmine  
Nostrorum potior gloria temporum  
S U B L E T I , & Patriæ præsidium tuæ,  
Et Galli decus imperi.

Alternis numero lusimus impari  
Te suadente modis , tu mihi carminis  
Author præcipuus , nostraque dum faves  
Manat vena beatior.

Nostros jam senior vidit Avunculus  
Laudavitque elegos , ingenij rudis  
Quamvis primitias , cum penes hunc sacri  
Ærari arbitrium foret.

C V

Nec clarum piguit tot titulis virum ,  
 Si quandoque sequax turba facefferet  
 Curarum , Aonios scandere vertices ,  
 Ludosque addere feriis.

Illum augusta diu curia principem  
 Et sidus dominæ conspicuum Togæ ,  
 Heu ! mistum æthereis nunc facibus jubat  
 Ereptum gemuit sibi.

At te quæ meritis officij memor  
 Testudo valeat , tollere honoribus  
 Cælestis studium quem sapientiæ ,  
 Et veri pietas foror ,

Jam nunc fidereas evehit ad domos ,  
 Virtutis rigidum nempe satellitem  
 Cautum de teneris unguibus ' improbos  
 Fastidire cupidines.

Aude Musa tamen grande aliquid loqui ,  
 Nec parvis pudeat te numeris lyræ  
 Ingentes animos claudere , & arduis  
 Mentem rebus idoneam.

Dic fanis gravidum consiliis caput ,  
 Venturique sagax pectus & abdita  
 Solers Ingenium quæque recludere ,  
 Seris pande nepotibus.

Dic facunda virum , Pieri , bellicæ  
 Quo custode rei , Mars didicit ferox  
 Legum frana pati , & quo geminæ vigent  
 Artes Palladis auspice.

Non solas juvenum quas amor anxius  
 Curas agglomerat , mistaque gaudia ,  
 Aut condita jocis pocula Liberi ,  
 Et festas populi dapes ,

Non lenes choreas semper & horridos  
 Panas cum Satyris , & titubantium  
 Dementes strepitus , rauaque jurgia  
 Aptari fidibus decet.

Quin plerumque Deos , atque Diis pare  
 Heroum pueros , claraque fortium  
 Dixit facta Ducum Romuleæ pater ,  
 Et princeps lepidus lyræ.

Ut late tremulis quæ micat ignibus ,  
 Pars mundi editior cuncta jacentium  
 Terrarum assiduus motibus ordinat.  
 Sic dum perpetuis tibi

Indefessa agitur vita laboribus ,  
 Orbi læta paras otia Gallico ,  
 Nostrique , exitium , nominis hostibus  
 Vinci queis toties dolet.

\*\*\*

A D

E U M D E M ,

Dum Luparæ Basilicam turbulentissimis  
 temporibus absolvendam curat.

E P I G R A M M A.

\*

S U B L E T I O doluit Regum intermissa tot annos  
 Artificum extremam poscere tecta manum:  
 Ille velut placidæ secura per otia pacis  
 Exigere inceptum fortiter audent opus.  
 Toraque Jam Luparæ structoribus atria fervent ,  
 Plurima faxorum pondere plaustra gemunt.

Immanes juvat hinc vasta sub mole columnas ;


Murorum ingentes suspicere inde minas.

Macte igitur , Vir summe , dabunt pia Numina  
votis

Posse frui , & sacros tollere ad astra Lares ;

Nec te funeribus gaudens Bellona moretur ;

Quam struis , hæc nostri Regia Martis erit.



ADEMINENTISSIMUM  
CARDINALEM

JULIUM MAZARINUM.

O D E

*Scripta desinente anno 1642. paulo post ex-  
tinctum E. C. D. R. I C H E L I U M.*

**C**OMPESCE luctus , o mea Gallia ,  
Compesce luctus ; mitte superfluis  
Decreta Fatorum , & protervas  
Flectere velle vices querelis.

Quem fies ademptum , spirat adhuc , sui  
Vivitque amico in pectore J U L I I ;  
Quem poscis A R M A N D U M , redonat  
Lux Italæ M A Z A R I N U S Aulæ.

Huic nempe velox ingenium , & sagax ,  
Er sustinendis rite negotiis  
Mens , apta fataleque rerum  
Mire opifex secuisse nodos :



Caliginosi non animus deest  
Prudens futuri, doctus & unice  
Regumque vires exterorum,  
Et studia, & populos, & arces.

Cæcasque fraudes cernere lynceus,  
Et machinantum consilia hostium  
Arcana vestigare solet,  
Ancipitisque dolos Iberi.

Quocunque Princeps jusserit, ocyus  
Fertur corusci fulminis impetu;  
Ridetque ventosi procellas  
Æquoris, & scopulos morantes:

Torrentis æstum ferre Caniculæ,  
Imbresque durus cæruleos pari  
De flore primævo juventæ,  
Atque hyemes tolerare iniquas.

Dissentientum non melior ducum  
Miscenda Jam nunc sistere prælia;  
Non ore mellito cruentas  
Utilior prohibere clades.

Expavit iras, & Procerum graves  
Motusque, cædesque Eridanus pater;  
Quas ille majestate frontis,  
Eloquioque, manuque pressit.

Non hunc minaci torvus Iber statu  
Demovit unquam propositi via,  
Cultuque honesti; non beantis  
Dona Tagi, neque dives Indus.

Gentis ferocem quippe superbiam  
Odisse natum sanguine cautius  
Serpentis Afræ, lacrymoso  
Perniciem meditantis ictu.

Eheu pudendo servitii jugo  
Bellantis atrox Hesperiae Arbiter  
Premebat Europem daturus  
Mox dominae prope jura Romae ;

Titannis ausus non tulit impios  
Qui Regna franis Gallica temperat ;  
Necnon laborantes probrosis  
Expedit socios catenis.

Innexa collis vincula Mincius  
Abrupta sensit : Sceptraque non sui  
Rektoris indignata , Fasces  
Mantua nunc placitos adorat,

Udam revinctus populea Padus  
Frontem corona , fidereo trium  
Renidet auro Liliorum , &  
Sanguineos refugit Leones :

Ereptus uncis unguibus Atrebas ,  
Nostrisque tandem martia Ruscino  
Parere condiscit lupatis ,  
Attonitam quatiens pyrenem.

Tot lata palmis Gallia , tristibus  
Hostem ruinis perculit : hinc ferox  
Discussit Hispanas secures  
Barcino , finitimique molles

Audire habenas maluit Imperi ;  
Hinc Lusitanæ jam sibi redditus  
Regnator oræ , temnit alti  
Grande supercilium Philippi.

Regis triumphos hic tibi patria  
Romane J U L I , concinimus lyra ;  
Pars magna , tantarumque suasor  
Cum fueris , mediusque rerum ;



Ingentis unus R I C H E L I I efficax  
Implere partes : jungere seu volet  
Paces amicas , sive campis  
Victor agit L O D O V I X cohortes;

Nec te bonarum præterit artium  
Tutela præsens quas & honoribus ,  
Auxitque censu , præmiisque  
Egregiæ pietatis Heros. \*

Oblivioso cuncta silentio  
Involvet ætas ; nec tibi marmoris ,  
Ærisve fabri sed puellæ  
Pierides tribuent sepulto

Famam perennem. Mercurialium  
Invita sacris parca laboribus  
Parcit vivorum ; nec malignus  
Deteret hæc monumenta livor.

Quod si pusillum respicies meæ  
Munus Thaliæ , sic animosior  
Accingat ad majora , nostros  
Audiat ut tua Roma cantus.

Vatemque norit , cui neque publica  
Sit vena cordi , nec placeant modi  
Triti saporis ; sed renascens  
Quos tereti probet aure Flaccus.

Te fata longum candida Principi ,  
Nostrisque fervent rebus idoneum ;  
Flavusque te fero reposcat  
Purpureum Tiberis quiritem.



AD

INVICTISSIMUM PRINCIPEM  
LUDOVICUM  
BORBONIUM  
ENGUIENNENSIVM DUCEM,

Post debellatos ad Rupem regiam hostes,  
& expugnatam Theodonis villam.

SOMNIUM.

ODE.

**L**USTRAM tacitus pieridum juga;  
Et lucos virides, & trepidantibus  
Lymphis antra mihi dulce loquacia,  
Urbano strepitu procul.

Illic dum jaceo, lentus, & oria  
Me secura juvant; alta subit quies;  
Mox somnus tenero gramine mollior  
Sensim lumina comprimit.

Nec mentem vacua lufit imagine  
Arcani propior Numinis impetus;  
Aut nos rerum inopes scribere nãias  
Montis religio finit:

Docto visa mihi de grege Virginum  
Oris melpomene fideri jubar  
Proferre: ambrosiis fragrat odor comis  
Floræ suavius halitu.

Non

Non Phœbi soror è nube decentius  
 Sublustrî nitidum os exerit ; aut ubi  
 Sol merfus pelago , gratior emicat  
 Puro lumine Vesperus.

Tum sic purpurei vocibus osculi  
 Abrupit nemoris Diva silentium ;  
 Sic blando monitu votis inertiam , &  
 Cessantem increpuit Chelyna.

Quis te torpor habet ? quo studium tenax  
 Sirenis Latîæ , curaque carminis ?  
 Quo vocum series non popularium  
 Fugere , & faciles modi ;

Ergone ingenii vim tibi Delius  
 Nequicquam dederit ; verbaque necere  
 Te vanus doceat , Romuleæ fides ,  
 Et motura sonum lyra ;

C O N D Æ I Juvenis te nihil indoles ,  
 Virtus , fama recens , totque parentibus  
 Fastis digna movent ; gestaue Martiis  
 Emiranda nepotibus ;

Non ille ingenuis artibus excoli ,  
 Nostrosve indocilis scandere vertices ,  
 Jamdudumque suis utraque nobilem  
 Signat Pallas honoribus.

Hac lege erudiit sollicitus Pater ,  
 Ut quodcumque domi suaserit , impiger  
 Id Natus , medios inter acinaces ,  
 Victrici peragat manu.

Est quisquam melior flectere mobilem  
 Bellatoris equi quo libuit gradum :  
 Luctantesque globos , armaque & æmulas  
 Arces vertere fortior ?

Sic Troiana ferox contudi agmina  
Formosæ Thetidis filius , auream  
Multo cæsariem pulvere fordidus.

Et campo nigrior genas.

Non Aulæ nitor , & blanditiæ illices ;  
Non Urbis Veneres illaqueant, citum  
Venales anima quærere adoreas ,

Qua prædulcis honos rapit.

Annos bis decies natus , ab hostico  
Bis victor rediit , signa per asperas  
Movit sæpe hyemes , tantus inest novo

Pugnæ , & laudis amor Duci.

Vastis hunc similem fluminibus pura ,  
Quæ de fonte , pares navigiis aquas  
Alto sufficiunt gurgite , & advenis

Ditant mercibus Accolas :

Heroum pueris non aliter Deus ,  
Qua prolint Gregibus , dat sapientiam  
Plerumque ante diem : quatenus ardua

Prælucent Populis face.

Felicesne adeo te pigeat loqui  
Belli primitias : utque ea fecerit  
Vix pubes , sibi quæ gesta velint gravi

Fessi militia Duces :

Pugnantum numero præstiterit licet  
Formidatus Iber , durus & horridi  
Martis ferre moras : non tamen obvia

Gentis robora Gallicæ

Hoc Ductore diu pertulit ; ocyus  
Quin Hispana acies , castraque militi  
Desolata suo ; pulsus & ultima

Hostis limite Patriæ.

Hesternæ sed enim cladis , inæstuat  
 Imo corde dolor ; cum sibi degener  
 Gallus terga dedit , testis & impium  
 Trevir cum erubuit nefas :

Quid cunctamur , ait , dum gladij repent ,  
 Dum Fortuna calet , Numina dum juvant ,  
 Huc mecum Socij tendite , quo vocat  
 Franci gloria nominis.

Sublimi haud procul hinc Sidera vertice  
 Urbs infesta petit , lætaquæ Gallicis  
 Exultat spoliis : grandius hic , Viri ,  
 Palmæ nos pretium manet.

Nostrorum indecori cæde Theopolis ,  
 Eheu , pars veteris quantula Galliæ !  
 C O N D Æ O incolumi , hac fospite dextera ,  
 Sic impune superbiat :

Stat non ante Lares , tectaque viscere ,  
 Flexu quæ bifido Sequana perluit ,  
 Arcis quam potiar culmine , & ardeant  
 Captis Lilia turribus.

Illatique alias , se puero , memor ,  
 Ultorque opprobrij , subruit aggerum ,  
 Portarumque mora sacer , & eluit  
 Capto dedecus Oppido.

Fortunam Ducis , & Martia pectora ,  
 Bellantumque animos suspicit æmulo  
 Addictus Solio Belga , nec hostium  
 Laudes deterit invidus.

Optatis fremere hinc Regia nuntiis ,  
 Princeps, A N N A Parens, G A S T O R U E Parvuli  
 Tutela & Patruus , quem sequitur pari  
 Victoris Genitor gradu.

Una omnes Superis rite faventibus  
 Solennes properant solvere gratias ;  
 Augustoque nitens murice Curia  
     It longo comes ordine.

Certatim huc Proceres , densaque Civium  
 Et Plebis simul examina conuolant ;  
 Et spectare juvat signa iterum sacris  
     Dependentia postibus.

C O N D E U M Juvenes dicere fervidi ,  
 Et matura Senum canities amat ;  
 Martes atque Viri ; Plebs , Equites , Patres  
     Inviictum memorant Ducem.

Collucere vias , rectaque non vides ;  
 Noctemque insolitis edomitam ignibus ,  
 Quos circum saliunt ebria gaudio ,  
     Festis turba procax Jocis :


Audis quo sonitu bellica detonent  
 Tormenta , & validis quassus ut ictibus  
 Æther dissiliat , lenis ut assonet  
     Ripis Sequana consciiis :

Hos inter strepitus , sparsaque publicæ  
 Passim lætitiæ signa , quid improbo  
 Adversum ire paras usque silentio :  
     Mittis classica tympanis

Clangunt B O R B O N I D E M , cantibus aurea  
 Divum templa sonant , compita perstrepunt  
 Plaudentum choreis ; tu raciturnior  
     Infanti statua manes !

His dictis , animos addidit efficax  
 Vati Musa suo ; mox duplicem mihi  
 Desfringens niveo pollice Lauream ,  
     Hæc , dixit , cape munera

Nostra lecta manu , queis Helicon , potens  
 Æternare sacris Nomina laudibus ,  
 Per te B O R B O N I I fidere pulchrius  
 Dat circum Iuvenis caput.



A D

ILLUSTRISSIMUM VIRUM  
 NICOLAUM BALLOLIUM

IN SUPREMO GALLIARUM SENATU

P R Æ S I D E M ,

R E G I N Æ C A N C E L L A R I U M ,

N E C N O N

S A C R I Æ R A R I I P R Æ F E C T U M ,

O D E .

**N** O N te quod veteri Stemmata nobilem ,  
 Et clarum titulis turba Clientium  
 Ambit , sollicitis & precibus vocat  
 Gazæ Principis Arbitrum ,

Immortale tuo nos capiti juvat  
 Concinnare decus , fertaque neçtere ,  
 Quæ non carpat hyems, longa nec auferat  
 Damnosi fuga temporis :

Nam plerumque suis Fors temeraria  
 Pravos muneribus donat , & optimis  
 Præfert immeritos : fitque adeo bonæ  
 Mentis pauperies foror.

Quin & divitias stultitiam pati  
 Ætas quæstæ prior , nostraque non filet ,  
 Atque id sera malum Posteritas pari  
 Deflebit querimonia.

Dignos egregio carminis alite  
 Virtus sola facit : sola recumbere  
 Mensis dat Superum , sola vetat tui ,  
 B A L L O L I , similes mori.

Non Regnantum apices , & radiantibus  
 Gemmis dextra gravis ; non laquearia ,  
 Auratæque trabes & Mareoticis  
 Surgens postibus Atrium ;

Non Villæ , & nitidi ruris amœnitas ,  
 Qua ridet scatebris uda loquacibus  
 Horti planities , pictaque flosculis  
 Tellus versicoloribus ;

Non dulces epulæ , & vina fragrantia ,  
 Festivique sales ; non liquidæ sonus  
 Vocis cum Cithara , mollius influat  
 Lentis ut sopor artubus ;

Non quidquid stolido murmure flagitat  
 Gens humana Deos ; cunctaque vitreæ  
 Fortunæ tibi mendacia luridas  
 Defendant Erebi domos ,

Ac te Cæli , obita morte , Quiritibus  
 Addant , æthereis ignibus æmulum :  
 Sed mens Consilij provida , & asperis  
 Rebus nescia concuti ,

Et ventis , eadem cauta , ferentibus  
 Contraxisse nimis turgida lintea :  
 Sed purum sceleris pectus , & unica  
 Recti cura beaverit.



C A R M I N U M L I B.

Hinc mentis placidæ nuntia comitas ,  
Majestare gravis : pronaque civium  
Cuius alloquij tempora , & obvia  
Frontis læta serenitas :

Hinc te Nobilium , & Plebis amor pari  
Cultu prosequitur ; grataque publicæ  
Vocis fama tuum Nomen ad ultimos  
Extendit Patriæ incolas.

Acceptus Populo es , nec tua commoda  
Perstringit tacitis moribus invidus ;  
Communis neque te cura pecuniæ  
Obscuris odiis premit.


Non auri pretio ducere abstinens ;  
Fluxas temnere opes fortis , & improbo  
Doctus , de teneræ flore puertiæ ,  
Respondere cupidini.

Cui sic culta Themis : quem generosius  
Defunctum variis muneribus , Togæ  
Viderunt Proceres , vidit & urbium  
Princeps alma Lutetia :

Ut te nostra sibi Regia vindicat :  
Explere nequit cernere , maximis  
Quem rerum A N N A potens non semel utilem  
Est experta negotiis :

Nec tu Palladiis artibus , & Viris  
Mercedes solitas pendere segnior :  
Aut commissa tibi Æraria lugeant  
Natae psallere Virgines.

Certe Pierij quisquis amabiles  
Potat fontis aquas , vera sonantibus  
Te chartis memorat , te melior Polo  
Scriptorum Chorus asserit.

 G A B R. M A D E L E N E T I  
Me Collega tibi M E M M I U S , ante quam  
Legatus populos iret ad Ubios ,  
Laudatum exiguis ingenij dedit  
Innotescere dotibus.

Nobis o utinam det Polyhymnia  
Tanti laude Viri digna reponere :  
Vix audita meos flumen ad Aufidum  
Testudo , superet modos.

Sic mandata super conditionibus  
Pacis pollicitæ Numina prosperent.  
Bellantumque diu jurgia Principum  
Certo fœdere comprimant.

Lustratas alio Sole perambuler  
Terras , quem gladij , & densa cadaverum  
Moles , terribilis quem sonitus tubæ ,  
Armorumque fragor juvat.

Perfas ille graves inter , & impium  
Regnatorem Asiæ faviat impotens ;  
Illic assiduus cladibus atterat  
Lunæ cornua Traciæ ;

Natales placitis cœdibus imbuat  
Campos , atque sui litora Bosphori :  
Gallorumque procul finibus horridos  
Ferro depopulet Getas ,

Illic fulmineo diruat impetu  
Arces , aggeribusque oppida faxeis  
Emunita : luant & rabiem & minas  
Martis , qui Tanaim bibunt.

Late purpureos sanguine vortices  
Hebrus voluere amet , cœsaque corpōra  
Sit nunquam patriis sedibus huc precor  
Gradiyo reditus truci.

Felix

C A R M I N U M L I B.

Felix tum reduces Gallia ferias ,  
Et secura metus otia pallidi  
Captabit , neque me in gloria desidem  
Urgebit taciturnitas.

A N N Æ progeniem Matris , & Imperi  
Dicam fidereos præsidium Mares ;  
Spes , & vota supra , nec sine Numine  
Divum progenitos loquar ;

Regnumque Austriacæ mite Puerperæ ,  
Quam longo obsequio demeritam colis ;  
Cui melli est Pietas , quæque nocentius  
Letho , flagitium cavet.

Cælestis referam vim sapientiæ  
Ejus , quem penes est , Arbitrium sacri  
Et Jus Concilij ; quem sibi redditum  
Vel magno Tiberis velit.

Spondenti Puero grandia , tu interim  
Grandes innocue sedulus extrues  
Thesauros : tibi dum garrula Barbitos  
Tempestivius obstrepet.

Factis ipse adero Cantor idoneus ,  
Audebitque tuis Musa procacior  
Se miscere jocis , tecum iter ingredi ,  
Curas ut minuat graves.





LUDOVICO.  
BORBONIO  
REGIÆ STIRPIS.  
PRIMO PRINCIPI.

De Capta Duncherchensium Arce.

O D E.

**Q**Uo me vis rapit ocyor  
 Afflatum insolito Numinis impetu :  
 Quis me tam propere Deus  
 Imbellem , ac placito , dum licet otio  
 Mire sollicitum frui ,  
 Belgarum statuit finibus , ultimi  
 Quos Orbis Morini tenent ;  
 Armorum sonitus inter , & igneos  
 Æris fulminei globos ;  
 Hinc pulsata gemit cornipedum ungulis  
 Tellus , hinc Batavis mare  
 Constratum ratibus fervet. Ut æmulas  
 Urbesque & populos juvat  
 Mirari solitos subdere Ibericis  
 Nuper colla Securibus ,  
 At nunc fræna pati Gallica , & aureis  
 Pronos credere Liliis  
 Vitam , rem , sobolem , sacraque patria !  
 Quam me dulcis habet furor ,  
 Quam dextro incaluit pectus Apolline !  
 Qui , paulum sed eas , ait ,  
 Hoc montis placido vertice , dum tuis

Reddam te incolumen focus :  
Versas retro acies , castraque , & hostium  
Propugnacula respice  
Gallorum valido robore diruta ;  
Victuris , age , fortium  
Chartis facta Virum , & carmine parcius  
Audito : egregios Duces ,  
Bellorumque animas immeritas mori , &  
Vitæ prodiga pectora  
Nunc sacrare opus est , Incipe , desides  
Vati ne noceant moræ ,  
Cessantemque diu pauperet ingeni  
Venam mollis inertia.  
Captarum neque tu , si sapias , urbium  
Voces auribus absonas ,  
Et verba historiis apta pedestribus  
Conatu male sedulo ,  
Tentes nominibus singula persequi ;  
Quando hæc , Musa decentior  
Includi numeris , & Latia verat  
Aptari fidibus lyre.  
Sic me Pierii Dux nitidus Chori ,  
Arcano monitu beat :  
Suavi mox oculos pascit imagine ;  
Fas impune acies mihi ,  
Fas , monstrante Deo , cernere ovantia  
Nostris signa cohortibus ,  
Pubemque intrepidam , & lecta frementium  
Tot campis Equitum agmina :  
Verum me reliquis imperiosior  
Heros detinet , inclyto  
Regum qui genitus sanguine , Gallicos  
Sic inter Proceres micat,  
Ut cæli tremulis ignibus aureo  
Vultu Cynthia prænitet  
Fratris splendor munere lucidum ,  
Terris cum jubar exerit

Agnosco generis B O R B O N I I decus ,  
 Agnosco Superis parem  
 C O N D Æ U M Juvenem , jam mihi dulcibus  
 Dictum Melpomenes modis ,  
 Dicendumque iterum , quatenus huic recens ,  
 Strictam fulmine Martio  
 Frontem lambit honos : pulvere decolor  
 Ostentat facies Ducem ,  
 Contemptorque animus lucis , & obvii  
 Mens secuta periculi.  
 Hunc Rheni didicit potor , & horridus  
 Pallet Danubii accola  
 Suetum de teneris militiam , & graves  
 Æstus , atque hyemes pati :  
 Hunc acer Morimus , quamlibet aggerum  
 Structis molibus abditus ,  
 Murorumque minis , & famulantibus.  
 Fidens Oceani vadis ,  
 Victorem extimuit : scilicet addito  
 Captis arcibus Oppido  
 Tanti nominis , & vix superabili ,  
 Virtus , seu dolus afforer.  
 Non jam perniciem Navita mercibus  
 Horrescit , neque Belgicæ  
 Non tangenda prius litora Galliæ ;  
 Jam Neptunus amicier ,  
 Nostras fida rates jam statio capit.  
 Nimirum id L O D O V I X , Pii  
 Rex , Justique tenax , irrevocabilis  
 Fati cum appeteret dies ,  
 Maturusque Polo spiritus , exitum  
 Fessis quæreret artubus ,  
 Divina monuit voce : superstitem in-  
 gentis B O R B O N I D E M spei ,  
 Hispano exitium , densaque C Æ S A R I  
 Natum mittere funera ,  
 Seu bellare solo , seu libeat mari.

Hic , dixit , Patriæ datus  
 Fatorum arbitriis , victor ut asperam  
 Sortem , damnaque principis  
 Captivi , repararet vindice dextera :  
 Et Gentem veteri jugo  
 Subductam , propriis Regibus asserat.  
 Illo , credite posteri ,  
 Ductore indomito , fidereus puer ,  
 Nostri progenies thori ,  
 Reginae auspiciis Matris , & optimi  
 Invieta Patruī manu ,  
 J U L I Q U E , Ausonio murice nobilis ,  
 Armatus sapientia ,  
 Dictabit populis jura volentibus ,  
 Thracas proteret impios ,  
 Ipsum quin etiam Martem , adamantinis  
 Olim compedibus dabit ;  
 Æternæ referet pacis & oria ,  
 Qua mortalibus advenit  
 Expectata dies , quaque reconditur.



A D   E M I N E N T I S S I M U M  
 C A R D I N A L E M  
 J U L I U M   M A Z A R I N U M .

E P I S T O L A

*Scripta rure , prosperis Gallia rebus ,  
 anno scilicet 1647.*

J U L I nostrarum decus & nova gloria rerum ,  
 Quem Patriæ Divis donarunt Fata benignis ;  
 Augusta quem frontis honos , orisque verendi  
 Majestas , pulchroque imbutum pectus honesto ,  
 E i i j

Ingenium solers , & mens divina futuri  
 Nobilitat , Francique adeo cui tradita moles  
 Imperii torquenda humeris , felicibus A N N A  
 Auspiciis , sua quam Cælo gratissima servert  
 Optamus longum incolumem pietasque, fidesque.  
 Te sine , nec victrix numeret tot Gallia palmas ,  
 Æmulâ nec versis lugeret Iberia fatis  
 Ereptas sibi tot gentes , opulentaque Regna ;  
 Formosæque recens , capiti Diadema revulsum  
 Parthenopes , quæ servitii pertæsa pudendi ,  
 Hispanasque diu nequicquam exosa Secures ,  
 Discussit tandem indocili feralia collo  
 Vincula , & ad Dominos iterum conversa priores  
 Gaudet amica pati Gallo sub principe fræna.  
 Quinetiam unanimes nostris se adjungere Sceptris  
 Sponte sua fama est populos terræque , marique ;  
 Vicinæque adeo portus , & litôra , & urbes  
 Sicania , Infubrumque animos mutare paratos  
 Obsequia , & Superis invisas linquere partes.

Hæc nos deliciis Dominae procul Urbis, & Aulæ  
 Agrestes calamo agresti cantamus , eburna  
 Dum paulum Lyra conticuit , quo scribere versu  
 Noster ad Augustum , Mæcenatemque solebat  
 Agrum dum coleret Flaccus. Jam Luna quaternis  
 Decurrit vicibus stadium , terrisque decoros  
 Ostendit vultus , Paridis , cum mœnia & altas  
 Sequana quas leni præterfluit agmine turres ,  
 Marmoreas Regumque domos , atque aurea tecta,  
 Et tua Romanis haud inferiora coacti  
 Liquimus , heu nunc rura tenent , & avitus Agelli  
 Fundus , ubi exiguo crescit mihi recula censu.  
 Prærupti circum montes , & inhospita saxa ,  
 Perpetuisque silent loca late horrentia silvis  
 Qua mundi fervente plaga Sol acrius urit ,  
 Nec datur ante Polo, fagus quem plurima condit,  
 Liberiore frui , campos & inire patentes ,  
 Quam nemorum emensis spatiis, latebrisque viator



Prospæctet celsas quas Heduus incolit Arces ,  
Hic ubi nempe tuæ stetit urbs Soror inclyta Romæ  
Ipsa anni gravior tempestas ædibus abdit  
Quemque suis , suadetque foco dissolvere frigus ,  
Dum campis bacchatur hyems , dum cana pruinis  
Arva rigent , stridente Aquilo secat aera penna  
Cum sociis,sonitu horrendo nemus omne remugit;  
Quod si forte filet Boreas , Austrique solutus  
Jupiter intepuit flatu , liquefacta repente  
Vis nimium , mox præcipiti torrentia lapsu  
Irritant placidos amnes , sædaque laborans  
Illuvie tellus , atque indignantia pontes  
Flumina præpediæ vias , Peditique, Equitique.


Non tamen hyberni me sideris ira volentem  
Carpere iter veter , optatos reditusque moretur,  
Qui mihi me reddant , dulcesquæ revisere Amicos,  
Et tua , quod caput est , dent protinus ora videre:  
Sed me defectum prope viribus atque jacentem  
Lectulus infomnis , Coique Oracula patris  
Discruciant, tepidosq; jubent colere usque penates  
Dum mihi firma salus redeat,propiorque supinum  
Erigat , & recreet vitali lumine Phœbus.

O mihi porticibus longis spirantia quando  
Marmora, Romulidumque Deos , intonsa vetustas  
Quos habuit Fanis ; at nunc visenda superbæ  
Quam struis ornamenta domus , spectare licebit !  
Et gentilitios Dominatum insignia Fasces !  
O , quando , mire artificii laquearia ad unguem  
Facta manu , & liquidis mentita coloribus arma ,  
Commisissasque acies , durique pericula Martis ,  
Ut si re vera pugnetur equisque , virisque  
Usurpare oculis dabitur ! quando impia brutæ  
Telluris portenta , ipsum detrudere regnis  
Conjurata Jovem , & montes conamine vano  
Montibus aspiciam impositos , qua porticus alta  
Prospicit irriguos lymphis salientibus hortos ?  
Quando tot humani ingenii monumenta,novoque

Quod ritu moliris opus , digna atria Musis  
 Hospitibus cernam ? magno genus omne coemptis  
 Undique codicibus , studioſo evolvere cuivis  
 Quos pronum, & facile eſt; ſacros, ſive ille profanos  
 Conſulat Authores : ſic omnia digerit apte ,  
 Scriptorum qui mille modos , & nomina caller ,  
 Cujus & illuſtri memorantur opuscula fama  
 Naudæus , cupidum lectorem admittere lenis ,  
 Et quoſcumque volet celer oppoſuiſſe libellos.  
 Nos , ſimul ac Veris , Zephirique ſodalis hirundo  
 Garriet , aſpirent noſtris modo Numina votis ,  
 Ocyus huc læti properabimus , atque valentes.

Interea , Vir ſumme , tui meminiffe Clientis ,  
 Abſentemque velis ſolito de more tueri ,  
 Et precor, & ſpero, lecta hac tibi poſtmodo charta,  
 Facturum quodcunque meis erit utile rebus.  
 Non ego te , qui bella Orbi , pacesque ſupremis  
 Dividis arbitriis , Regumque negotia tractas ,  
 Intempeſtivo ſermone morabor ineptus ;  
 Quin tuus hic paucis quid poſtulet , accipe, Vates:  
 Ut ſibi nimirum à Domino conceſſa petenti  
 Annua tu dexter favéas , meque eſſe tuorum  
 In numero extremum quamvis intelligat ille ,  
 Cujus inexhauſta æternis Æraria curis ,  
 & jugi exundans properata pecunia fonte ,  
 Bellorum in ſumptus, & publica commoda manat,  
 Privatique quies , dum Mars procul, alta paratur,  
 Incuſtoditis ſecura per oppida muris.





AD

INVICTISSIMUM PRINCIPEM

LUDOVICUM

BORBONIUM

REGIÆ STIRPIS

HEROEM

Ut deletis Leopoldi copiis Lenſiaca pugna  
propere in Aulam redeat.

EPIGRAMMA.

★

**I**NTREPIDUM in rebus trepidis, te vota Senatus ;  
Te populus supplex , te vocat ANNA parens :  
Egregium , quamvis numero majora fugasse  
Agmina ; & Hispani castra inimica Ducis ;  
Verum intestini nascencia femina motus  
Sistere , perpetuo dignus honore labor.  
Sat ferro , Martique datum , secuta parumper  
Otia , si patriæ , si mihi credis , ama ;  
Nempe manu , mox consilio , bellicque , domique  
Res gerere , humanis sunt potiora bonis.





EXCELLENTISSIMO DOMINO

ANTONIO

GRAMONTIO

DUCI, PARI,

AC

FRANCIÆ MARESCHALLO,

BENEARNENSIIUM PROREGI, &amp;c.

*HENDE CASTLLABVS SUPPLEX.*

Rogat Poeta creditor, ut se re<sup>que</sup> suas,  
CONDÆO Principi commendare velit.

CLARO progenies parente digna  
GRAMONTI, & generis decus vetusti,  
Quem pollens crepero manus duello  
Hostili toties cruore tinctum  
Partis evehit ad Deos trophæis;  
Cui suave ingenium, probumque pectus,  
Urbanoque madens lepore sermo,  
Grandes conciliat, fovetque amicos,  
Ingentisque adeo beat favore  
CONDÆI, mea quem sonabit usque  
Notum per memores Camœna Fastos,  
Quem Regina parens, gravesque regni  
Gasto sollicitus levare curas,  
Quem Rex, sidereo verendus ore,  
Quem plebs, quem Proceres, Eques, Senatus  
Gratantur reducem, ferosque natum


Hostes fulminea domare dextra.  
Latos ille dabit videre Soles ,  
Antiquam populis beatitatem ,  
Et pacis referens vices benignas ;  
Mox in Bistonas , impiamque Thracem ,  
Aut nuper sceleris reos nefandi , &  
Regis carnifices sui Britannos ,  
Districtum melius retundet ensem.  
Sed quo digredior vagus , mei que  
Cœpta propositi via deerro ?  
Cressum Musa refer , Ducumque mortes ,  
Et luctus , tragicæ relinque! Scenæ.

Unum te tuus hic rogat Poeta  
Turbæ si qua fides Appollinari :  
Per te nos amet , audiatque princeps ,  
Cujus nunc reditu triumphat aula ,  
Nostrique esse velit memor libelli ;  
Ac quæsita mihi bonas per artes  
Vitæ commoda non sinat perire ,  
Partosque assiduo labore fructus ,  
Seræ præsidium unicum senectæ  
In Vatis jubeat finum reverti ,  
Marcentesque olido situ locellos ,  
Et fœtos nebulis aranearum ,  
Ablatis iterum tumere nummis ,  
Quos fortuna graves trahens ruinas  
Indigne eripuit , tenet , negatque ,  
Spes nulla ut super frui paratis ,  
Ni fati seriem mali retexat  
Quæ Clavum Imperii gubernat A N N A ,  
Aspiretque mihi potens voluntas  
Ejus , qui Dominæ præest Monetæ.  
Huic me B O R B O N I D E S , ut est benignus ,  
Acceptum sibi , nec rudem loquetur  
Cantus Ausonio movere plectro ,  
Victurisque animas beare chartis.  
Sic rem perficiet , nec illibenter

Sacræ L O N G O L I U S fidelis arcæ  
 Custos , pierias juvare lenis  
 Tempestate licet gravi , Sorores.  
 Has & de tenero sequutus ungue  
 C O N D Æ U S , studiis favebit ultro ,  
 Nec se difficilem dabit precanti.

Tu molles aditus , & apta fandi  
 Calles tempora , tu remissiones ,  
 Atque horas Genio sacras , jocisque  
 Captabis melius Cliente parvo ;  
 Aulæ nam rudis , & pudens Thaleia ,  
 Imbellisque , Ducem hostibus tremendum  
 Affari proprius laborat , inter  
 Densam tot procerum , Ducumque pompam.

Nempe id te tuus hic rogat Poeta ,  
 Certe haud pessimus omnium Poeta ,  
 Turbæ si qua fides Apollinari :  
 Te , quem Mnemosynes amant puellæ  
 Non segnem Aonios bibisse fontes ,  
 Te , quem miles amat sibi imperantem ;  
 Martisque intrepidum subire casus ,  
 Te , quem delicias placentis Aulæ ,  
 Et patrem lepidum elegantiarum  
 Omnes indignant , colunt , loquuntur ,  
 Et cunctis potior fatetur A N N A ,  
 Conjux , Nata , Soror , Parenisque Regum ,  
 Quam sero invideat suis Olympus,





AD REGEM  
LUDOVICUM XIV.

Ut in urbem Regni principem  
redire velit.

## ODE.

Absentem Lodovix , heu nimium diu ,  
Te votis , prece te sollicita vocant  
Qui formosa tuæ tecta Lutetiæ ,  
Sedemque Imperii colunt :

Nec desiderio Regis amans fui  
Ponet turba modum , nec querimoniis ,  
Dudum pollicito patribus , urbium  
Matrem , ni reditu beas.

Non sic Threicii trans freta Bosphori  
Delatum , atque alio Sole calentibus  
Errantem spatiis , experit anxia  
Mater visere filium :

Ingratas populo rumpe tuo moras ,  
Ac Regum vacuis ædibus hospitem ,  
Et te redde tuis incolumem , quibus  
It mæstus sine te dies,

Omnis per cuneos obvia civitas  
Portis exiliet , cernere gestiens  
Augusti capitis fidereum decus ,  
Et Sceptris habilem manum :

Certatim invalidi cum pueri senes ,  
 Et permista viris agmina virginum  
 Faustis lætitiâ vocibus , & datam  
 Proment obsequiî fidem.

Quid quod , donec abes , publica vix queat  
 Res tuto esse loco ? Nam velut Africis  
 Deber ludibrium , & divitias mari  
 Puppis , sic careat duce ;

Sic pene orba suo Rege Lutetia ,  
 Europes oculus pro pudor ! infimi  
 Nunc vulgi arbitrio , nunc procerum impetu  
 Clavi nescia fluctuet ,

Antistes Themidis ni S E G U I E R I U S  
 In puppi sedeat , per vada naufraga  
 Syrtisque , intrepidæ mentis , & asperum  
 Quamvis , certus iter sequi.

Nec matura patrum Curia segnior  
 Admovisse vaga frænæ licentiæ ;  
 Cætusque illicitos , atque nefarias  
 Voces , scriptaque persequi.

Quin exhausta prope Æraria , & annuos  
 Majorum reditus , & patrimonia  
 Supplere , egregiis cura Duumviris ,  
 Turpi quos procul ambitu ,

Præfecit Domina sola pecuniæ  
 Virtus ; ac pretii nescia sordidi  
 Evexit pro bitas , non temerariæ  
 Sortis cæca potentia.

O quando Cereris muneribus tumens ,  
 Lenæique patris Nectare sequana ,  
 Raucis te reducem , murmure consono ,  
 Ripis , & Dominum audiet !



Huc dextro redeas alite , protinus  
 Cælo diffugiant nubila Gallico ,  
 Tempestas fileat ; canaque mox fides ,  
 Et pax Justitiæ soror ,

Distentoque fluens ubere copia  
 Bellanti referent otia patriæ :  
 Squalentesque inopum rursus Agrestium  
 Implebit casulas labor.

Sic rerum Anna potens Gastoque & intimi  
 Princeps Consilii Julius , omnium  
 Obstringent animos ; insitus ac tui  
 Augefcet populis amor.



ILLUSTRISSIMO VIRO

MICHAELI

PARTICELLIO

GALLIARUM ÆRARIII

ITERUM

P R Æ F E C T O.

O D E.

\*

**D**Um te sola commoda publicæ  
 Tangunt atque iterum sollicitus , caves  
 Ne commissa tibi Æraria deterant  
 Sumptus immodici ; totque mari simul  
 Cogenda , atque solo Vere novo agmina :

Dum concessa viris fortibus Annua  
Præbes , nec geminæ Palladis artibus  
Illustres animas , claraque Nomina ,  
Obscura pateris pauperie premi :  
Dum cunctis patriæ qui cupiunt bene  
Expectatus ades , juraque mætui , &  
Sublatam ex animis restituis fidem  
Quam nuper rabies civica , proh pudor !  
Commotæ expulerat limine Galliæ :  
Dum tu Regis opes , æraque parcius  
Dispensas , neque enim injuria temporum ,  
Ac longi patitur sæva necessitas  
Belli , dona manū spargere prodiga :  
Dum per te redditus hebdomadarios  
Plebi , & patritiis auctius Urbici  
Quæstores numerant , atque trimestribus  
Aulæ servitiis pacta salaria  
Præstas , & sua stipendia militi :  
Urbique advigilas major ut undique  
Convectæ cereris copia suppetat ;  
Dum rerum Imperii ponderibus parem  
Te Regina parens incolumem expetir ;  
Dum te quarta dies , an mane principis ,  
Indefessus amor , curaque civium  
Paulatim attenuat ; nec revalescere  
Tantis mens finit intenta negotiis.  
Nos dulci interea principis urbium  
Cultores , fruimur , qua licet otio ;  
Nimirum indociles arma capescere ,  
Tractandisque parum rebus idonei :  
At pulsare habili pollice non rudes  
Imbellis Citharæ fila sonantia :  
Heroum proceres , seu placuit Deos ;  
Ac Divis genitos dicere , & invidæ  
Arces edomitas , castraque Iberiæ.  
Nec tu , quod titulis atque opibus nites ,  
Aulæ promeritis clarus honoribus ;

Fastidis numeros Vatis amiculi ?  
 Noster quam placido lumine Julius ,  
 Tutelaque fovet ; quem tuus hic Gener ;  
 Quo non consiliis dignior interest ,  
 Non Musis alius vivit amicior ;  
 Et voce , & calamo protegit efficax :  
 Adjungitque sibi , ludicra feriis  
 Cum miscere libet , Signaque ahenea ;  
 Mirari , & tabulas , & simulantia  
 Vultus Cæsareos marmora , & auream  
 Picta ad delicias fornice , porticum.  
 Quid ? quod me Generis præsidium unicum ,  
 Et spes sola tui , sæpe T O R E S I U S  
 Assumit comitem post strepitum Fori ,  
 Et lites tetricas , dictaque fontibus  
 Fata , & legitimos supplicij gradus ;  
 Suavem cum libuit tendere pensili  
 Rheda Capreolam , quo, quis amœnius  
 Usquam vernat ager ; plurima quem Dryas ,  
 Nymphæque, & virides Naiadum Chori ,  
 Quæque arctis animos nexibus implicant ,  
 Alternoque placent munere Gratia ,  
 Et formosa Pales cum Satyris colit.  
 Hic Pomona suas ubere prodigo  
 Late fundit opes , hic pater Evius  
 Manat purpurei gaudia Nectaris :  
 Hic somnos teneri graminis hospites  
 Erumpens tubulis lympa crepantibus  
 Invitat fragili splendidior vitro.  
 Quin hic sæpe graves Imperii levat  
 Curas A N N A potens , huic L O D O V I X puer ,  
 Ast ingens animi , & qui teneram supra  
 Ætatem sapit ; huic parvulus it comes  
 Ac Sceptri Columnen , Frater , amabile ;  
 Hortique areolas nunc agili pede ,  
 Meriturque oculis ; nunc pueriliter ,  
 Exultimque vagus , quos ferat optima

Matri grata legit munera , flosculos.

Felix sorte tua Villa ter & quater ,  
Cui tot chara domus pignora Regiæ  
Oblectare datum est , tuque beator ,  
Ipsos cui liceat prædiolo hospites  
Excepisse Deos : queis utinam diu  
Acceptus vigeas , parque adeo tuis  
Contingat decus , & gloria posteris.



# CHRISTINÆ

SERENISSIMÆ

SUECORUM REGINÆ

LAUDES.

O D E.

*Scripta anno 1652.*

Q U A voce , dulci quo strepitu Lyraë ,  
Quo te merentem carmine prosequar ?  
O digna G u s t a v o Parente ,  
Digna tuis dare jura Gotthis.

Non usitatos Pieridum move  
Regina cantus , Virginis inclytæ  
Nomenque , & æternos honores  
Pollice non timido sonanti.

Tu Diva , primum quid memorem doce ;  
Nam fluctuantem pertrahit omnium  
Meturba virtutum , lacescunt  
Corporis hinc , animi inde dotes.

Sic Nympha mollem gramine floreo  
Nectens coronam, Veris honoribus  
Densis laborat, nec scit utros  
Anxia dextra metat colores.

Miratur Orbis fœmineo calens  
Pectus virile in corpore, & abditas  
Sinu puellari beatæ  
Mentis opes; animique robur

Huic sustinendo par Diademati,  
Nec non gerendis rebus idoneum:  
Nymphaque bellanti subactam  
Danubij, sobolemque Rheni.

Non sic feroci Cornipede emicat  
Quæ Martiales ducat Amazonas;  
Si quando Thermodontis alta  
Strage virum maduere ripæ.

Quid quod benigno lumine respicis  
Tristes Camœnas? dum furit impius  
Mars Orbe toto, sola Phœbi  
Et colis, & recreas Alumnos,

Sublimioris qui Sapientiæ  
Arcana, scriptis non popularibus  
Scrutentur, ac Veri decoram  
Postgenitis speciem revelent.

Quacunque Mundi parte fitos juvas,  
Accerfis, auges munifica manu;  
Terraque jactatis, marique,  
Luce polum propiore signas.

Formidolosi non labor æquoris  
Enavigandus, non mora fluminum,  
Tractusque silvarum profundi,  
Non Geticæ rigor obstat oræ;

Ad te relictis quin properet focus ,  
Et prole dulci , Pieridum avios  
    Quisquis penetravit recessus ,  
    Atque avido bibit ore fontes.

Digressa pridem montibus Aonum ,  
Urbisque septem Calliope jugis ,  
    Migravit hybernas ad Arctos  
    Parthasiæ nova Civis Aulæ ,

Hinc pacis almæ gentibus oria  
In bella pronis , hinc pretium artibus ,  
    Splendorque , & antiquata Legum  
    Auspice te , rediit potestas :

Hinc plena cornu divite copia  
Late potentes indigenas beat ;  
    Totis & inconcinna morum  
    Asperitas procul acta Regnis.

Vinci dolentes hic ubi Vandalos  
Duravit atrox Mars potior Toga ;  
    Illic Athenas , & Liceum ,  
    Atque meros videas Quirites.

O te beatam , cui studiis , graves  
Lenire curas Imperij datum !  
    Doctasque regali federe  
    Quæ thalamo jubeas Sorores !

Quid litterarum tot decora undique  
Accita narrem ? quos tamen arduis  
    De rebus una differentes  
    Judicio potiore vincis.

Callere primis Mnemosyne dedit  
Linguas ab annis , te patrio Exteri  
    Sermône mirantur loquentem ,  
    Quisque suas stupere voces

Germanus , & quem divitibus Tagus  
Rivis inaurat , Celtaque , Italus ;  
Graiaque consultus Minervæ ,  
Et Latio veteri recoctus.

Quis multilinguem non memori canat  
Versu Puellam ? Marteque proprio  
Responsa chartis exarantem ,  
Quas alius sibi mittit Orbis ?

Nil eruditi Interpretis attinet  
Partes morari , te quoties palam  
Audire Legatos sedentem  
In Solio decuit Paterno.

Musis amicas lux simul appetit  
Impendis horas ; Seria mox die  
Tractas adulto ; quaque possis  
Arte Greges proprios tueri ;

Nec te peractis rite negotiis  
Torpere mollis suadet inertia ;  
Aut igne multo pertinacem  
Vim patriæ superare brumæ.

Sed nunc lupatis indocilem regi  
Patente campo flectere equum juvat ;  
Nunc belluosis hospitantes  
Saltibus exagitare prædas ;

Innupta qualis , per juga montium , &  
Lucos fonantes Diva genu tenus  
Succincta vestem , tibiae que  
Vineta habili teretes cothurno ;

Sectatur apros , aut jaculo petit  
Damas fugaces ; lætaque dissono  
Clamore venantum , canumque ,  
Planta agili sua Regna lustrat.

70 G A B R. M A D E L E N E T I

Gaudes Videri non muliebriter  
Nodata crinem , non minio genas  
Infecta , sed levis iuventæ  
Munditiis habituque simplex.

At præliantum dissidia efficax  
Sedasse Regum ; ni varius fidem  
Iber fecellisset , Duelli  
Te veritus , mediamque Pacis ?

At vasta mens , & Pallade plurima  
Pectus refertum , quod neque tristitia  
Nec Lata frangant sævientis ;  
Intrepidum per acerba Fati.

Videre Cives recta per Ædium  
Grassante flamma , non timidam vices  
Obire privatas , sereno  
Perque vias equitare vultu..

Extincta donec defineret Lues :  
Te nuper insons gurgis Nereus  
Excepit immotam , dolata ,  
Sub pedibus titubante pinu.

Non ora pallor vertit , & ultimæ ,  
Formido fortis ; Dorida crederes  
Cum flore Nympharum , secantem  
Cæruleo vada salsa curru.

Frontis verendæ læta serenitas ,  
Fandique torrens copia , & insito  
Condita Majestas Lepore ,  
Sidereumque oculi micantes ;

Invieta blando corda cupidini ,  
Spretæque dulcis Conjugii faces  
Ætate florenti , comesque  
Grata pudicitæ venustas :



Im postea summæ fræna potentiaë ,  
Rerumque pollenti arbitrio modus ;  
Æquæva virtutique merces ,  
Pœnaque mox sceleri luenda ,

Præsentis ævi Heroida principem ,  
Laudumque plenis muneribus probant  
Dignam sacrari , cuique duplex  
Sponte sua famuletur Axis.

Te pacis artes , bellaque strenue  
Pugnata clarant ; at veritam mori  
Me Vate ; Christinam loquetur  
Longa Senum series nepotum.

Hæc Musa dictat , dum furit impotens  
Regnante plebis fece , Lutetia ;  
Corvisque dum parere mites  
Impia vis adigit columbas.



A D E M I N E N T I S S I M U M


C A R D I N A L E M

JULIUM MAZARINUM.

Rogat ut quantum sibi quotannis ex Æra-  
rio præstatur, tantum ex Ecclesiastico  
censu in posterum percipiat.

Q Uando tui nonnulla tenet te cura Clientis ;  
Per te securos deger in urbe dies ;  
Rex alet, ac Musa dignas dabit hospite sedes  
Incolere , & cælo liberiore frui.  
Quin tenuem , & siccum mox annua tinget opimo  
Gutta sacerdoti , ni meliora paras.

Sacrorum è reditu quidni ferat annua Vates ,  
 Cui thalamus cœlebs , nec nisi casta placent ?  
 Cui puero Antistes munivit Chrismate frontem ,  
 Quæ prima est sacrae tessera militiæ.  
 Nec si , te dextro , votis , Vir summe , potiri  
 Contingerit ; deinceps poscere plura velim.  
 Parvo contentus vivam parvoque beatus ,  
 Dum spargam toto Nomen in Orbe tuum.  
 Assiduusque Deum precibus , Divosque lacessam  
 Incolumen servent teque tuosque diu.  
 Te longum fido L O D O V I X utatur Amico  
 Hunc pace , hunc bello , mente , manuque juves  
 Hostibus ut domitis ineat connubia , Cælo  
 Auspice : mortales progeneretque Deos ,  
 Vincula Gradivo quatuor jam lustra furenti  
 Injiciat , nulla dissolvenda die :  
 Cana fides populos terras Astræa revisat ;  
 Et referant gratas otia longa vices.



# IN OBITUM

## ENEMUNDI GUALTERII INSIGNIS CITHAROEDI; EPICEDIUM.

\*

**G** A L L I C U S Amphion jacet hic Enemundus,  
 Amico  
 Nulli flebilior , quam mihi GUALTERIUS;  
 Ille graves persæpe cava Testudine curas  
 Lenivit , dulces addocuitque modos.  
 Saxa movere loco potuit. Fluviosque rapaces  
 Sistere Threicii chorda canora Duis ,  
 Callidus hic regnantum animos, auresque magistro  
 Pollice.

Pollice , & arguta detinuisse fide.  
 Quin ego funereas cithara potuisse sorores  
 Flectere crediderim , mors nisi furda foret.  
 Non omnis tamen interiit , meliore superstes  
 Parte fui , multo regnat in ore Virum.  
 Regnabitque , artes donec colet Orbis honestas  
 Dum colet humanum musica plectra genus ,  
 Ossa regit natale solum , Mens libera cælo  
 Hospitat , æterno qua micat igne Lyra.

\*\*\*\*\* : \*\*\*\*\*

ILLUSTRISSIMIS D.D.

ABELI DE SERVIEN

ET

NICOLAO FOUCQUET

ÆRARI DUUM VIRIS


LIBELLUS SUPPLEX.

**I**AM prope bis fenos Quæstoria capsula menses  
 Asservat Domini pollentem nomine chartam ,  
 Annua quæ nobis , detracto ex Assë triente ,  
 Quæstorem præstare jubet : negat ille daturum ,  
 Ni Regis placito subscribat uterque Duumvir  
 Ærari , quorum arbitrio , curaque fideli  
 Tam dignis patet , ac indignis clauditur Arca  
 Principis , ingentes aurique flagellat acervos ,  
 Scilicet amborum assiduo distenta labore.

Ergo mihi date vos faciles , decisa petenti  
 Quæ LODOVICI alimenta parens, Diplomate sanxit ,  
 Quæque Patrem referens Narus solatia præbet :  
 Nec sinite hunc vestrum , mediocri debita quamvis  
 Præmia virtuti , sic mendicare Clientem ,  
 Aulæ quem lecti Proceres plerumque benigno

G

Lumine respiciunt , Heroum clara potentem  
 Carmine , victuris inscribere Nomina Fastis ;  
 Quinetiam , patrio vestis cui murice cander ,  
 I u l i u s ipse aderit fautor , quo Præsides rerum  
 Gallus ovat ; metuetque sibi bellator Iberus  
 Post paulo exitium , & pacis præludia poscet.



NOBILISSIMO

ERUDITISSIMOQUE VIRO

HUGONI LYONNEC

TORQUATI

UTRIUSQUE ORDINIS

COMMENDATORI

Nec non ejusdem Collegij su-  
 mo Cereemoniarum Arbitro

*Ut inchoati a se beneficij gratiam apu-  
 Erarij Duum viros , qua cœpit anim  
 propensione velit absolvere.*

\*

**T**E nostri recitante modos gustasse Libell  
 Quem penes est sacra Arbitrium, & cu  
 Gazæ


Tot clarum A B E L E M meritis, mihi nota,  
 Lustralis propior consanguinitate Luvacri  
 Narravit blando arridens sermone puella ,

Cui formæ decor , & nivei cognata pudoris  
Simplicitas, candorque, haud paucos fecit Amantes,  
Meque adeo pridem sibi conciliavit Amicum.

Visa mihi è doctis adstare Sororibus una ,  
Tristitiamque, metumque animo sic depulit omnem;  
Dum retulit, te , nempe , mei meminisse , meæque  
Versiculos laudasse, & vota precesque Thalïæ,  
Verbis, quæ valeant quoque nugis addere pondus.

Quod superest , te nostrarum tutela , decusque ,  
Et columen rerum , per casta biverticis oro  
Numina Parnassî , per & usque virentia Pindi  
Culmina, perque haustos avido tibi gutture fontes  
Aonidum , primis quibus es lætatus ab annis ;  
Denique per si quid placui, vel Appolline dignum  
Aptavi Citharæ nervis ; cœptum alite dextro  
Exige opus , Vati que tuo mala tædia longa  
Tolle moræ , ac lentî sufflaminâ discute tandem  
Quæstoris , qui me toties spe lusit inani  
Frendentem , questumque palam Iovis irrita jussa,  
Et misere absumptas prandentis ad ostia lucas.

Siccine perpetuis , dixi , damnata tenelris ,  
Informique situ , ac fædo squalore prematur  
Pagina , cui Nomen Iuvenis toto Orbe tremendus  
Appinxit LODOVICUS ? hanc tu Vir maxime , Blattis  
Eripies , mox inspectam Præfectus uterque  
Ærarij , adscripto per te, mihi nomine reddet.



\*\*\*

AD ERUDITISSIMUM  
NOSTRIQUE STUDIOSSIMUM  
JUVENEM,  
FRANCISC. LIGNERIUM.

O D E.

**N**ON me sic placido videt  
Suaves docta modos lumine Pieris,  
Latose dedit potens  
Castigata adeo fingere carmina,  
Ut palmæ pretium mihi  
Clarus postgenitis invidet Maro ;  
Romanæque Parens Lyra  
Nostros , grande aliquid , versiculos putet ;  
Utrumque ut Superi velint  
Alma , quod cupiam , Luce iterum frui.  
Tantis define me , precor ,  
Commisisse Viris , quos timido procul  
Sat cuivis pede subsequi.  
Nobis ut tribuas plus nimio , tuus  
In nos , nostraque amor facit ,  
Quem nullis doleo promeritum mihi  
Antehac officiis , neque  
Spes quandoque vices reddere mutuas ;  
Et cantus numeris pares ,  
Quos gentilitio flore decentius  
Virgo quæ niter obtulit ;  
Hac , nulla articulis unnula blandius

Curvæ fila movet Lyra ,  
Aut vocis liquidæ , cum fidibus , sono  
Aures atque animos tenet.  
Cui non grata forent munera , amabili  
Nymphæ quæ data sint manu ?  
Ut verum loquar , acceptior hinc mihi  
Quamvis immerito obtigit  
Tot laudum series , & capiti additum  
Per te insigne decus meo.  
At certe immodicis noster honoribus  
Extolli metuit pudor ;  
Debetur meritis , Laurea , principum  
Vatum , me quibus imparem  
Agnosco , tenuis conscius ingeni :  
Quod si nostra virentibus  
Sertis collibuit cingere tempora ,  
Myrtis adde rosas breves ,  
Dum curas juvenum dicere , & anxiis  
Ægrum pectus amoribus ,  
Nec non fidereis ignibus æmulas  
Urentis Dominæ faces  
Inter vica placet libera , & obviis  
Conditas salibus dapes :  
Quin udam foliis dum calet Evius ,  
Frontem pampineis preme ,  
Si defint , ederis stringe sequacibus  
Vatis Cæsariem vuidi ;  
Nam siccum exanimant sollicitudines  
Bellique ancipitis metus ,  
Quando hinc arma fremunt extera , civicus  
Hinc vastat Patriam furor ,  
Nostrorumque sua in viscera , pro pudor !  
Accinctæ Procerum manus.  
Æquisne hæc oculis sobrius , heu , meæ  
Spectem funera Galliæ ?  
Vinci nescia Gens nuper , & Arbitra  
Regum , siccine proprio ,

Qua sternendus Iber robore corruas ?

Sed me longius hic mei ,  
Oblitumque tui , discruciet dolor ,

Tristes ni querimonias ,  
Luctusque amoveat lætitiæ dator ,

Et mensæ , Genius , comes.  
I , descende puer ; prome reconditos ,  
Belnenfi latices cado ;

Iam-nunc profiliat robore fissili  
Maturus stomacho liquor.

At , ne munda parum pocula nauseam  
Et bilem moveant , cave :

Fac rore assiduo plurima lacrymet  
CrySTALLUS , procul Hadriæ

Quam mittit sinus ; at pulchrior aspici  
Cum plena irrubuit mero

Quo mens incalcat , venaque lætius.

\*\*\*

E M I N E N T I S S I M O

C A D I N A L I

JULIO MAZARINO

IN OBITUM PARENTIS.

O D E.

\*


E R G O Parentis J u l i u s vicem optimi  
Dolebit æternum pius ?

Nec ulla finem temporis dabit mora ,  
Modumve ponet lacrymis !

At ille quantas corporis vitat cruces ,  
Lucisque quot fastidia ,



Annos agentem pene vicanos quater  
Quem parca vivis eximit.  
Benigna certe Fata rectius voces  
Quæ tot malis obnoxiam ,  
Et quod malorum pessimum est , dementia ,  
Minore paulo contrahunt  
Gyro senectam , tristis ante luridos  
Quam languor artus occupet ;  
Formamque vivi præferens cadaveris ,  
Suis , & horrendus sibi ,  
Atras lacessat questibus vanis Deas ,  
Quod se morentur perdere ,  
Male ominato terreat visu obvios  
Furvæ Cliens Proserpinæ.  
Feliciori sorte nuper hinc tuus  
Ad astra migravit Pater ,  
Frui virente cui senectæ contrigit  
Et rebus apta maximis ;  
Cui mensque sana perstitit novissimum  
Ad usque vitæ spiritum.  
Tu Roma testis , ipsa testis Gallia  
Quam sæpe flagranti licet ,  
Et inquieto Gallicæ rei Statu ,  
Probavit efflictum sibi  
Suoque longè chariorem J U L I O ,  
Qui Rege pollens auspice ,  
Late patentis Imperi negotia  
Frendente Ibero sustinet.  
Hunc innocentis culta vitæ semita ,  
Et prisca morum sanctitas  
Perambulantem siderum igneas domos ,  
Et celsa Divorum atria  
Beatitatis duxit ad fastigium  
Quo sola virtus evehit.  
Certe perenni Cælitum consortio  
De flere gaudentem , nefas :  
Satis superque luctui datum hæcenus ,  
Compesce , J U L I , lacrymas. G iiij



A D

ILLUSTRISSIMUM VIRUM

NICOLAUM FOUCQUET

IN SUPREMO GALLIARUM SENATU

RATIONES REGIAS

PROCURANTEM,

NEC NON

ÆRARI PRÆFECTUM.

EPISTOLA.

*Ut decem & sex disticha pulcherrimis totidem  
Statuis, quæ villa sue porticum eleganti-  
ssimam exornant, accommoda; libens acci-  
piat, ac, si videbitur, saxis incidi jubeat.*

**A**PTA bis octonis placidus lege disticha Signis,  
Impariter juncto quæ lussit carmine Musa,  
Dum fictos stupeo vultus, animataque saxa;  
Hic ubi vicino surgens nova porticus agro  
Tot præbet formosa tuæ spectacula Villæ.

Suave graves illic nonnumquam ponere curas,  
Rara suburbani dum captas otia ruris:  
Nempe animus vasta rerum sub mole fatiscens  
Deficiat, multo ni pectora fessa labore  
Paulum alterna quies recreet, viresque ministret  
Usque novas, tibi præcipue, cui Regia Gaza  
Credita, cui Fiscî rationes, juraque subsunt,

Quemque nimis longi , proh ! cæca infania Martis  
Uberiore adigit cumulare Æraria censu.  
Ne tamen assiduis bellorum sumptibus impar ,  
Et graviore oppressa jugo Provincia clamet  
Rite cæves , neve Exactor , rigidusque Satelles  
Jussa recurrentis dum colligit Æra tributi ,  
Sæviat asperius, messes , armenta , gregesque  
Auferat , immeritosque adeo compellat Agrestes  
Vincla pati , & tenues in carcere ponere vitas.  
Id visum crudele nefas , tibi scilicet æque  
Sollicito ne qua princeps , populusque labores ;  
Sic etenim amborum procuras commoda , ut unus  
Sentiat, atque alter merito te jure Patronum ,  
Et doleas indignus eget , te divite , si quis ;  
Deque tuo non parce inopem solere , juvesque ;  
Securus propriæ tumeat dum principis Arca.  
Muneris hinc gemini LODOVICI tibi cessit honores ;  
Purpurei hinc Proceres , hinc te sibi vindicat Aula  
Et varios mire solertem assumit in usus ,  
Prosequiturque pari studio veneratur , amatque :  
Idque vel ipsa palam , quamvis invita , faretur  
Invidia , id nostras haud mendax fama per urbes ,  
Atque adeo totis jam Gallia personat oris.

Nimirum tu quod Patriæ , quod publica poscit  
Utilitas , Regnique decus , quod jura ; Pudorque ;  
Sanctaque Religio , & prisca reverentia cultus  
Suades non timide , moliris graviter , urges  
Strenuus inceptum , nec res , & idonea rebus  
Cunctando momenta teris ; te Judice, nemo  
Conqueritur plures , dilata negotia in annos  
Damnosa torpere mora , & vanescere in auras.

Nulla supercilij gravitas morosa Clientem  
Alloquio prohibet , cuivis par copia fandi,  
Nec facili removel Cives a limine torvus  
Janitor , ac turpi miscet mala verba repulsæ .

Polliciti te certa fides , te pectus Honesto  
Incoctum , fallique , & fallere nescia Virtus ,

Ingenij commendat amor , studiumque Camœnæ  
Non vilis , sed quæ Cælo donare Quirites  
Possit , & æternæ committere Nomina famæ.

Atque hæc , tot meritis licet inferiora loquuto  
Sufficiant , olim forsan , modo vita superfit,  
Et faveas , te digna novo canet auspice Vates.  
Nunc itaque , ut primæ respondeat ultima chartæ ,  
Claudaturque brevis quo cæpit Epistola sensu ,  
Curia dum , festaue silent Æraria luce ,  
Dum liber curis animus vacat ; inspice nostra  
Num bene quæque suis aptentur disticha faxi.

### J U P I T E R.

Nil purum sceleris pectus mea Fulmina terrent ;  
Exanimis pallet fulgur ad omne reus.

### J U N O.

Spirat in hoc faxo Divum Regina , superbe  
Ingrediens , Coniux , & Jove digna Soror.

### N E P T U N U S.

Æquoris irati speciem , fremitumque , minasque  
Phidiaca hic posuit nobilis arte manus.

### A M P H I T R I T E.

En tibi compositis strati maris otia ventis ,  
Arridens blando quæ facit ore Dea.

### P L U T O.

Torva Deo facies , Majestas dira , triformis  
Janitor , Infernum dant tibi nosse Jovem.

## PROSERPINA.

Nequicquam Æthneis mater me quærit in arvis ,  
Tartareus Sponsam quam sibi raptor habet.

## SATURNUS.

Falce potens , ac dente vorax, licet omnia carpam,  
Quæ venit ingenio fama , perennis erit.

## CYBELE.

Magna Deum mater turrato vertice , rerum  
Semina clausa suo promit , alitque sinu.

## MERCURIUS.

Me celeri mandata Deum perferre volatu  
Jussit , & Eloquij fundere mella Pater.

## FAUNUS.

Non moritur similem sibi qui post fata relinquit ;  
Indignus vixit qui sine prole jacet.

## PALLAS.

Prognatam Jovis è Cerebro sapientia monstrat ;  
Belligerem capitis tegmen & hasta Deam ,

## BACCHUS.

Magna triumphatis mihi gloria venit ab Indis.  
Non minor at curas vincere posse graves.

## HERCULES,

Per me Terra caret monstribus , formidine Gentes ;  
Sic mihi bisseus contulit astra Labor.

## FLORA.

Forma decens oculos , nares demulcet odorum  
Copia , & æternò Ver mihi flore teper.

## H E B E.

Grata Jovi quondam miscebam pocula , sed  
Nescio qua phrygius depulit arte puer.

## L A O C O N.

Heu miserande parens ! lethali solvere nexu  
Corpora Natorum , palladis ira vetat.

§§§ §§§ §§§ §§§ §§§ §§§ §§§ §§§ §§§ §§§ §

## A B S T E R S Æ

## PRINCIPIS EMINENTISSIMI


## JULII MAZARIN

## L A C R Y M Æ

Super immaturo Sororis optima  
ac subinde Nepotis amantis-  
simæ Obitu.

**R**EGNANTUM pertæsa domos, Aulæque fugac  
Delicias , J u l i migrat ad agra Soror;  
Qua non insigni pietate , & Stemmata prisco  
Inter Romanas clarior ulla Nurus.  
Haud tamen hinc fati asperitas satiata , recenti  
A partu Neptem mors quoque sæva rapit :  
Non tulit elatas Matrem Natamque prope uno

Funere , quem Latij muricis ambit honos :  
 Solvitur in lacrymas Princeps ; lucemque perosus,  
 Parte sui media vult pereunte mori :  
 Non thalami juvat alma quies recreantve jacentis  
 Apponi solitæ corpus inane dapes.  
 Non privata salus , non illi publica curæ :  
 Quin Scepтрis inhians sibi plaudit Iber.  
 Tum L O D O V I X, simul A N N A parens, lacerata-  
 que vestes  
 Gallia , proh ! tantum Di prohibete nefas.  
 Plebs una & Proceres non surda laceßere votis  
 Numina ; nil tantæ non valere preces.  
 Abstitit Heroi mæror , sensimque resumpris  
 Viribus , Imperij rebus , ut ante , vacat.  
 Addè quod extinctis ambabus Nympha superstes  
 Nubit Dis genito , mox genitura Deos :  
 Intempestivi sponsæ inter gaudia luctus ,  
 Invitatque hilares tædæ marita jocos ;  
 Iam cantatus Hymen , jam festo Regia plausu ;  
 Et strepit E U G E N I I Principis alta domus.  
 Hoc longum precor incolumi nova Nupta fruatur,  
 Et videat sobolis pignora uterque suæ.  
 Interea Pacem maturet Avunculus ingens ,  
 Det lætos Populis , & sine nube dies,





I N

CHRISTINAM  
SERENISSIMAM  
SUECORUM REGINAM

Postquam deposito sponte Imperio Cath-  
licæ Fidei dogmata professæ est.]

EPIGRAMMA.

\*

**M**ULTA quidem de te cecinit mihi sæpe voc  
Aonii Princeps Calliopæa Chori;  
Plura tamen dictis, quin & majora supersunt,  
Mollibus id Cytharæ non referenda modis.  
Depositos Fasces ob Religionis amorem,  
Quis, nisi divino percitus igne, canat?  
Scilicet id tantis deerat virtutibus unum,  
Subdere Romano Regia colla Patri.  
Discite quos Regni sitis insatiabilis urget,  
Esse aliquid Sceptris majus, & imperio.



ADEMENTISSIMUM  
PRINCIPEM

JULIUM MAZARINUM

De restituta Regi sanitate

O D E.

**R**E G E M non dubiis prospera nuntiis  
Salvum fama refert; l. puer ocyus,



Deprome è veteri lene merum cado  
 Et profer calyces virgine roseidos,  
 Lympha, non aliter, me licet Arbitro,  
 Succos nectarei ducere Liberi;  
 Nunc potare decet, nunc dapibus juvar,  
 Et festis animi gaudia plautibus  
 Testari; L O D O V I X convaluit, sui  
 Jam votique reus, solvere debitas  
 It grates Superis, regiaque integræ  
 Portat dona libens, Sceptraque Virgini,  
 Carnutum populus quam veteri colit  
 Fano conspicuam, & flectere nobilem,  
 Castis quem peperit visceribus Deum.

Quid dulci melius provida Numina  
 Concedant Patriæ? reddita Principi,  
 Reginaque salus, quæ velut anxia  
 Pullos servat avis, ne malus apperat  
 Implumes coluber; sic Domino parens,  
 Et custos metuit sedula Filio,  
 Quo nunc omnis ovat sospite Gallia,  
 Europæque sibi quem cupiat Ducem.

Nunc curæ valeant, & querimoniam,  
 Tristes atque merus; luctifica agmina  
 Morborum, ire procul, rectius impias  
 Vastatura domos, arvaque Bistonum,  
 Terra qui Venetos, & pelago premunt.

At tu, magnanimi cui Juvenis datum  
 Assedisse thoro, dum foret acrior  
 Morbi dira lues, & lacrymis genæ  
 Rorarent; faciant, o superi diu  
 Posthac incolumi principe gaudeas:  
 Id mecum assidua, plebs, Equites, patres,  
 Aris appliciti sollicitant prece;  
 Ac te consiliis; & gravibus parem  
 Attollunt, merita laude; negotiis,  
 Seu bellare placet, claustraque longius  
 Proferre Imperii; condere seu bonas

38 GABR. MADBLENTI  
Paces , & gladios vertere falcibus  
Regni poscet honos , & tibi publica  
Dudum summa Rei , curaue credita,  
Felix forte tua ! quem , Domino auspice ,  
Belli suspiciunt , pacis & arbitrum  
Gentes finitimæ ; quem toties sibi ,  
Fatalemque suis arcibus , æmulus  
Expavit trepidis cum Sociis , iber.

---

A D.  
E U M D E M

In præmaturam mortem Al-  
phonfi Mancinij Nepotis.

O D E.

\*

Q U I D debeas ô Gallia , sospiti  
Post tot suorum funera ; J U L I O ,  
Qui nostra decantet recenti  
Pieris examinata casu ?

Eheu merentis cuncta necessitas  
Invicta fati ! non teneræ decus ,  
Et flos inventæ , non Deorum  
Stirps rigidas repulit Sorores.

Te , lucis ipso in limine , prohi dolor !  
Tanti Nepotem spes & Avunculi ,  
A L P H O N S E deflemus jacentem  
Quo soror , atque parens sepulchro.

A D

E


A D

EUMDEM,

EPIGRAMMA.

\*

SUAVE mihi, fateor, quod dicar Horatius alter  
 Dum tua Romulea concino facta Lyra :  
 At Macenatem ni præstes optimæ JULI,  
 Quantulus est sine te nominis hujus honos ?



SPECTATISSIMO VIRO

JOANNI BAPTISTÆ

COLBERTO

REGIA SANCTIORIBUS


CONSILIIS

PROSEUCTICON.

NI faveas, adfisque tuo, COLBERTE, Clienti  
 Det ventis steriles nostra Thalia modos ;  
 Hanc licet augusto commendet JULIUS ore,  
 Et mea non tristi carmina fronte legat ;  
 Tot tamen usque graves agitat sub pectore curas,  
 Vatis ut ille sui vix memor esse queat.  
 Tu, cui nosse datum mollissima tempora fandi,  
 Ardua cui Domini Regia, Mensque patet ;  
 Dexter ades, facilemque mihi da principis aurem,  
 Ejus & alloquio, dum juvat hora, frui.


H

Annuis , ô factum bene ! sed pro munere tanto  
 Quas referat grates , quidve Poeta roget ?  
 Ut longum acceptus Domino, Regique, Tuisque  
 Impletis centum mellibus , astra peras.



**H**OC Carmen meo rogatu fecerat vir eruditus , ac mihi non stili modo nitore , & elegantia , sed morum suavitate charissimus : ut suppleret Epistolæ vicem in Thesisibus , quas lætæ , ac ingentis spei adolescens Abbas Chavinus , Eminentissimo Cardinali nuper dicavit. Verum literator nescio quis male feriat , pulcherrimum Ingenii sœtum ausus est corrumpere ; dum surrepro uno , aut altero Vatis emendatissimi versu , reliqua de suo intexit : hoc est aureis ærea non permutavit quidem , sed miscuit. Audax ineptissimi plagiarij facinus non aliter vindicandum censui , quam si genuinum , & integrum amici mei opusculum placeret typis excudi , ac sic omnibus politioris literaturæ studiosis facilius innotescere Meminisse oportet in Thesisum fronte expressam esse , laudatissimi cælatoris manu , Argonautarum expeditionem ; inter quos duo præcipui sese oculis ingerunt , velleis aurei raptor Jason , & Orpheus cithara canens Cæterum , quam ingeniose , quam feliciter res adeo remotas , & à seculi nostri moribus alienas , Herois Eminentissimi factis aptaverit poeta , æqui lectoris esto iudicium ,

LUD. HENRIC. BRIENNE COMES




EMINENTISSIMO PRINCIPI  
**JULIO MAZARINO.**  
 S. R. E. CARDINALI.

**C**ONSILIO, factisque; domi, bellique potentem  
 Expavit te stratus Iber; didicere cohortes  
 Austriacæ vinci indocilem, Rhenique subactus  
 Accola, & assiduo Gens Marte exercita Belgæ;  
 Doctus & Eridani potor, malefidaque Manto,  
 Formidare tuos, L O N O I C O Principe, Fasces.

Sensit te Alcidem nuper confusa rebellis,  
 Et capitum hydra ferax; te sensit Iasona, raptis  
 Arbore fatali exuviis, & vellere fulvo,  
 Tot sibi qui domitas urbes erepraque Regna,  
 Et procul advectæ queritur cunctantia lamnæ  
 Pondera, quæ medio, per te, ratis æmula ponto  
 Occupat, & iussos prohibet contingere portus.  
 Hinc sibi te placidum Geticæ colit Arbiter oræ,  
 Sarmataque infensum nolit, Danusque tremiscat,  
 Pallefcant Socij, promissaque Cæsaris arma.

Nec, si vitales iterum sub luminis auras  
 Threicius redeat Vates, Phæbique Sacerdos,  
 Quem fama est cecinisse Deos, puerosque Deorum,  
 Magnanimosque Duces Argivæ robora Pubis,  
 Te, quanto decet ore, canat; Populisque verendum  
 Nomen, & ambitis I u l i caput inferat astris.


Menie his certantem auspiciis, hoc Numine tutum  
 Adversæ moveant acies? quin lata triumphi  
 Spes, & honos, nitidisque affulget Gloria pennis,  
 Dum vires, additque animos præsentia tanti  
 Herois, cui tot debet mea Gallia palmas;  
 Cujus & æternos meritis sacravit honores,



NOBILISSIMO JUVENI  
 LUDOVICO  
 PHELIPE AUX  
 PATERNÆ DIGNITATIS  
 CONSORTI,  
 SUCCESSORIQUE DESIGNATO.

\*

**Q**UO tibi florentes nondum lanugine malas  
 Vestito, Patrium munus obire datum est;  
 Hoc, morum ingenuus candor; maturius annis  
 Ingenium, & multa Palladis arte madens;  
 Hoc, Patris evincere preces, perspectaque dudum  
 Temporibus dubiis, non sine laude, fides.  
 Egregium, flore hoc ævi, te rebus agendis  
 Ferre parem, atque Senum promeruisse decus.  
 Maeste alacri virtute puer, gentile capesce  
 Fortis opus, magni iussa facesse Jovis.  
 Te Pater, & Patruus, necnon Avus excitat author;  
 Quisque sibi emensum monstrat honoris iter.  
**A**NUA tibi, Latioque favet spectabilis Ostro  
 JULIUS, Imperij, quo duce, tuta salus.  
 Ergo valere jube Collis celebrata Latini  
 Castra, Patris socium recta paterna decent,  
 Tecta Palatinas inter pulcherrima Sedes,  
 Quæ tollunt Domina celsius Urbe caput;  
 Hic, longum, precor, assideas Collega Parenti,  
 Cui veniat lento cana senectæ gradu.



ILLUSTISSIMO VIRO  
NICOLAO FOUCQUET  
SUMMO  
GALLICI ÆRARIII  
PRÆFECTO, &c.

*Postulat, ut sibi in regia familia numerum ad-  
scripto, Annua in posterum numerato  
solvantur.*

**S**ERMONIS Latij Interpres te Regius unum  
Hoc rogat, ut sibi quæ Princeps Diplomate sanxit  
Annua, percipiat quo regia turba canentum  
Seu fidibus, seu voce capit stipendia ritu;  
Ac pendat faciles, per menstrua singula, nummos,  
Qui Symphoniacis, Tonforibus, & Citharædis,  
Mercedes solitas, nullo sufflamine, præstat.

Id nostræ decus, & præsens tutela Camœnæ,  
Qui rerum, invicto sub Principe, tractat habenas,  
Certaque pollicitæ maturat fœdera Pacis,  
**JULIUS**, annuerit grate; Varemque superba  
Quæstorum, sine fine pati fastidia nolit,  
Ac totos perstare ad mancipis ostia soles,  
Supplicis in morem, prope mendicare coacti,  
Quæ bonus Ingeniis LODOVICI alimenta ministrat.

Tu, Domina custos, atque arbiter optimæ Gazæ,  
Probrosam, & studiis inimicam tollito morem,  
Ne posthac sint mille tuo subeunda Clienti  
Tædia, mille moræ, neu compellatur eandem  
Ire, redire viam toties, senioreque pedesque.



Tum mea , victuro forsan te carmine , ad altas  
 Euehet Heroum sedes, totumque verabit  
 Musa mori ; neque enim nobis præcordia finxit  
 Cornea , & obtuso relides in pectore fibras  
 Alma parens natura , & fideris aura benigni;  
 Ast animum officij memorem , dignasque referre  
 Sollicitum ac docilem , tanto pro munere , grates.

---

A D

EUMDEM,

OCTASTICHON.

**J**AM DUDUM, Vir summe, tuas extollere Valles,  
 Non prius audito carmine , Musa parat ;  
 Sed me non patitur tristi mens anxia cura ,  
 Exigere inceptum , quo pede cæpit , opus.  
 Tertius ah! solito sine munere principis , annus  
 Vertitur , hinc Vatis sollicitudo tui :  
 Terna jube facilis numeret stipendia Quæstor ,  
 prætinus ingenij vena beata fluat.







AD EMINENTISSIMUM

PRINCIPEM

JULIUM MAZARINUM,

Post confectam a se, mox stabilitam,  
auspicatissimo Regis Hymenæo,  
Pacem.

O D E.

**R**ERUM potentem scribere JULIUM  
Phœbi Sacerdos audeo, tu mihi,  
Regina doctarum Sororum  
Calliopæa; fave canenti.

Non semper atro fulgurat æthere,  
Gaudetve nimbis Jupiter horridus;  
Non semper infanzæ fatigant  
Velivolum pelagus procellæ;

Haud usque terris invidet aureæ  
Lucis parentem fascia nubium  
Obducta cælo, nec perennes  
Dat glacialis hyems pruinas:

Udo recentes Vere Favonij  
Post brumæ inertis frigora amœnius  
Spirant, virescentique tellus  
Picta sinu, melius renidet;

Iucundiori sol radio niter;  
Cum pene victum deliquio jubar  
Mundo laboranti refundit,  
Nec medio soror obstat orbe.

Sic vera virtus , gravior emicat ,  
 Ut cunque pravis Invidiæ artibus  
 Celata , mortales revisit ,  
 Æthereoque hilarat nitore .

Fortuna quamvis sæviat impotens ,  
 Vertatque summis infima , tum caput  
 Attollit , obstantesque late  
 Proruit imperiosa turmas .

Præsens mearum testis & arbiter  
 Sententiarum , murice patrio  
 Spectandus , ac pridem tacente  
 Invidia , titulisque major ,

Omni que laudum munere JULIUS ,  
 Virtute avita , & Stemmata nobilis ;  
 Cui festa , tot debet triumphos ,  
 Gallia , tot LODOVICUS arces .

Non hunc furentis turba licentiæ ;  
 Non dissidentum factio principum ,  
 Urbisque lymphatæ tumultus ,  
 Regis ab obsequio fideli

Deterruerunt : quatenus Imperi  
 Huic una curæ est , & Domini salus ,  
 Quem pacis , & clarum Duelli  
 Arbitriis , veneratur Orbis ,

Ex quo , virorum te sibi maximum  
 Admovit , ingens qui Diadematis  
 Pondus levares , ac frementum  
 Eumenidum obtereres colubros ;

Vinctumque ahenis brachia nexibus  
 Martem , juberet trans Rhodopes juga ,  
 Hebrique fontes , igne , ferro ,  
 Luctificas iterare clades .

Infecta nuper cædibus æquora ,  
Amnesque passim mole cadaverum  
Stetere , densatisque pingues  
Funeribus , maduere campi :

Romanus heros , quidlibet arduum  
Sub Rege tanto , strenuus aggredi ;  
Abominandam solus audet  
Sistere diluviem cruoris.

Iras Potentum , crudaque prælia ,  
Terraque motus , & pelago super  
Sedasse , præclarum ; triumphumque  
Jurgia , vix dirimenda , Regum.

Quod arma Danus , quod posuit Getes ,  
Quod bellicosus Sarmata destitit  
Pugnare vicinas ad Arctos ,  
Muneris esse tui fatentur.

Hinc & Paterno jam Solio sedens ,  
Tranquilla ducit Carolus ora ;  
Hinc cæpit , exosus Tyrannum ,  
Regia fræna pati Britannus.

Te Christiani nominis impius  
Formidat hostis ; suspicit Adriæ  
Regnator , insignem , tot annis  
Æmula , conciliare Sceptra :

Nec alter usquam jungere myrteas  
Lauris coronas , ingeniosior ;  
Tædaque , bellantes , jugali ,  
Dexterio sociare Gentes.

Advecta , faustis huc avibus , Tagi  
Ab usque ripis , alma T H E R E S I A ,  
Quæ prole , post paulo , virili ,  
Te faciat , L O D O I C I , Parrem.

Indo refusum quale ebori decus  
Appingit ostrum ; lilia quos rosis  
Dant mista formosis colores ,  
Dat placito nova nupta vultu.

Cretam Deorum sanguine comprobat  
Oris venustus purpurei decor ,  
Frontisque majestas verendæ ,  
Sidereumque oculi micantes.

Antonianis , quo decet ordine ,  
Cultuque , portis , obvia Civitas ,  
Gessit , Palatino repentem  
Visere Semideam cubili.

Late patentes vix populum viæ  
Cepere , cives tantus , & advenas ,  
Pompæ triumphalis superbam  
Ardor habet seriem tueri :

Huc densa matrum , turbaque virginum ,  
Huc fervida ætas , & senio gravis ,  
Aulaque primores , Forique ,  
Lati animis properare certant.

Hos inter ibat , dignior aspici ,  
Gentis Togatæ Dux S E G V I E R I U S ;  
Quem nostra jamdudum , canoro  
Pectine , ad astra tulit Camœna.

At , quanta Matris gaudia regium  
Mulsere pectus ! dum Superis pares ,  
Natumque miratur Nurumque ,  
Delicias , populique vota.

Ut juvit alto , conspicuæ domus  
A N N A M theatro , tot Procerum agmina ,  
Ostroque fulgentes , & auro  
Cernere equos ; Equitumque vultus ,

Non jam minaci , & torvo habitu feros ,  
 Quales in hostem. Quin , placidi optimam  
 Regis parentem , teque J U L I ,  
 Huic comitem , pariter salutant.

Longas Iberis , o pia Numina ,  
 Præstate Gallis , hoc Duce , ferias;  
 Imperiis moderentur æquis.

Sic Diva , nervis docta sonantibus ,  
 Æquanda Cælo dicere Nomina ,  
 Pacis datorem M A Z A R I N U M ,  
 Dat memori celebrare cantu.

\*\*\*\*\*

A D

ILLUSTRISSIMUM VIRUM

D. D.

LUDOVICUM HENRICUM

LOMENIUM

BRIENNÆ COMITEM,

REGIA CONSILIIS,

ACTIBUS, ET EPISTOLIS.

O D E.

*Quam Poëta inopino Fato præventus imper-  
 fectam reliquit.*

\*

J A M dudum Latiis juncta sororibus  
 Euterpe quæritur , quod neque proprio ,

I ij

Nec gentilitio nomine , dulcibus  
 Compellare sibi te liceat modis :  
 Quæ sit causa rogas ? hæc : inamabili  
 Aurem utramque sono durius afficit ,  
 Inconcinna ubivis asperitas inest.  
 Nam voces numeris claudere barbaras ,  
 Quam nosti , & colimus Musa venustior  
 Imprimis verat , & grande putat nefas.  
 Hinc Romana parum sponte vocabula  
 Morosi fugimus cautius , ac maris  
 Evitat scopulos navita callidus ,  
 Aut turpes maculas , fœmina candidis  
 Cultu quæ niveo certat oloribus ,  
 Quæ se infert Juvenum nobilium Choris.  
 Te scribendi eadem religio tenet  
 Aula de puero nempe leporibus  
 Incoctumque jocis , te nitidi juvant  
 Sermonis veneres , mundaque castitas.  
 Sed nos ante facer Pieridum Chorus  
 Assuetum usque suis fontibus egerit ,  
 Quam te versiculis dulce fluentibus  
 Indictum patiar tot titulis parem ;  
 Quem nostræ caput , & spem solidam rei ,  
 Quem nostræ decus , & præsidium Lyra  
 Victuris decuit dicere cantibus ,  
 Cujusquehisto riis fama pedestribus  
 Jampridem Populos ivit ad exteros.





# IN ORTUM DELPHINI:

EXTEMPORALE CARMEN

*Quod audito felici Regina partu cecinit. Poëta  
paucis ante obitum diebus.*

\*

**A** L M E Puer formose puer, Iovis aurea Galli  
Progenies, magni quem pollens Nata PHILIPPA  
Felici enixa est vota inter publica partu;  
O salve ingentis L' O D' O I' C I mascula proles.  
Debuit hinc nasci totus cui pareat Orbis.



## H Y M N U S

*Ave Maris stella.*

Versu Alcaico redditus.

\*

**N** A U T I S amicum fidus, & anchora,  
O Diva salve, Virgineo Deum  
Enixa partu, quò beatæ  
Calicolum patuere sedes.

Quam missus alto pertulit Aliger  
Audi salutem, Concilia Polo  
Terras nocentes, vertat ÆVA

Nomen, ave canat omnis æt' is,

I iij

Abrumpe mœstis vincula fontibus ,  
 Mentisq̃ue sacro lumine recrea ,  
 Averte casus imminentes ,  
 Supplicibus meliora posce.

Ostende Nato pectus , & audiat  
 Per te suorum vota Clientium ,  
 Qui sortis humanæ misertus  
 Te potuit Genitrice nasci.

Regina cœtus Virginei , unice  
 Mansueta , culpas elue , & invicem  
 Præsta benignos obsequentes ,  
 Moribus & niveos pudicis.


Fac Diva , puri labis eant dies ,  
 Rectaque gressus dirige quo tuæ  
 Nos prolis aspectu , fruique  
 Siderea mereamur Aula.

Æterna summo gloria sit patri ,  
 Natoque nec non spiritui Deo ,  
 Numenque tres unum futuris  
 Posteritas colat usque seclis.

**S** I c te Diva precor , dum mordax Ilia flatus  
 Lancinat , & ventris tormina dira premunt.  
 Has alui sedato cruces , tu cujus ab Alvo  
 Cunctorum effusa est absque dolore salus.







## FRAGMENTA.

IN ORTUM

LUDOVICI XIV.

EXTEMPORALE CARMEN.

\*

**E**XULTENT quibus est Francorum nomen  
amicum !

Gallia lætetur, duplex lætetur & Orbis :

Scilicet, expectata diu, votisque petita

Advenit, LODOVICS, dies quæ Patris amandum

Nomen, & optatæ peperit tibi gaudia Proles ;

Quæque dabit placidas palmis intexere myrtos.

Ergo alacres festis populi indulgete choreis,

Mistaque plaudentum superas tuba vocibus auras

Verberet, & lætis feriat clangoribus aures :

Responsatrices geminent læta omnia ripæ.

Excitosque vocent grata ad spectacula cives.

Quin etiam subito currens, de fonte Lyæus

Purpureos fundat plebi, sua munera, succos,

Liberaque alternis celebrentur pocula mensis.

Abrumpant crebro reboantia tympana somnos.

Perque vias impune tonent Mavortis ahena ;

Lætitia testes illustrent tecta lucernæ

Et certent mediis lignorum incendia vicis,

Suscipiantque vices Phœbææ lampadis, atque

Nocturnas superent ascita luce tenebras.

Ædis dum Dominæ sacra fundamenta manebunt,

Et geminæ caput attollent ad sidera tūres,

Gloria dum Sceptri vivet, dum Sequana ponto

Lenifluas miscebit aquas, tibi Gallia semper

Ille dies solennis eat redeuntibus annis ,  
Fausaque perpetuis memoretur in orbe triumphis.

## REGIACENSIS DEDITIO , sive Regiacum captum.

**I**N V I D I A rumpatur Iber, fremat Austrius ira  
Cæsar , & exultent quibus aurea Lilia cordi  
Lilia cognato delapsa insignia cælo.  
Hinc superum favor , & proni clementia fati  
Has Regum fundavit opes, totque auxit honorum.  
Muneribus jampridem Orbi Diadema verendum,  
Hinc L O D O I C E , tuis feliciter omnia votis  
Aspirant , & mista Deo fortuna secundis  
Gallica , per casus varios successibus arma  
Provehit , appensisque tholo delubra trophæis  
Civibus ostentant victas longo ordine Gentes.

Scit morinus , scit Belga ferox , quem Marte  
recenti

Edomitum juga nostra pati , Dominosque priores  
Attonita Europe spectat , parere vetustis  
Attrebatum caput Imperiis, tot millibus Urbem  
Defensam portas intra , miratur , & extra  
Tot fociis tutam ; spatium superata bimestri  
Mœnia , fossarumque moras , excitaque longe  
Auxilia atque alacres gemino sub principe turmas.  
Hoc Gallæ virtutis opus , cui præfuit alta  
Mente sagax , bellicque ingens ille , artibus , ille  
Cura Deum L O D O V I X ? aderat par rebus agendis  
RICHELIVS , tantæ Dominum qui pondere molis  
Pene fatifcentem , curaque operaque levaret.

Fas & militiæ victricis robora cantu  
Tergeminos memorare Duces , & nescia vinci  
Pectora , quis duri dulce est tolerare laborem  
Martis , & intrepido ferrata per agmina vultu

Sanguine

Sanguine venales capiti circumdare palmas.  
 Egregiæ bellorum animæ? non livida tanti est  
 Immortale decus pressura oblivio facti:  
 Quin ætas vos nostra canet, vos fera nepotum  
 Ore feret soboles, tolletque ad sidera lucis  
 Contemptorem animum dum Franci gloria sceptri  
 Mœnia dum paridis stabunt, qua plurimus errat  
 Sequana, & augustos Regum lavit amne penates,  
 Sacrabunt memores ingentia nomina salti.

Tuque adeo quem jamprimum florentibus annis  
 Exercet Bellona tonans, cui Martia curæ  
 Fulmina, bellantumque sequi palantia terga  
 Ære cavo, ætæos effert dum faucibus ignes;  
 Quem patriæ, quem Regis amor, quem conscia  
 virtus

Sollicitat, nec te placida finit esse quiete  
 Contentum, quo te, tot carmine digna gerentem,  
 Carmine concelebrem? quæ tam memorabile laudes  
 Exequunt facinus? quæ publica marmora clavis  
 Intercisa notis, spirantiaque artibus æra,  
 Dux memorande, olim seclis te digna loquentur,  
 Auspice te partis non inferiora triumphis.

Bis campo commissa acies, iterataque castris  
 Prælia turbatis, tanti fuit urbe potiri  
 Antiqua, triplici ut steterit victoria pugna.  
 Non alias plures, tantique Hispana sequuti  
 Signa viri, nec tam variæ simul undique gentes  
 Armata coiere, habitu linguisque remotæ

\*\*\*\*\*

## DETESTATIO.

### BELLI CIVILIS.

**Q**UIS furor? ô Cives, quæ tanta infania mentem  
 Præcipitat? suadetque pudenda lacerare bella?

K

Unde repentino discordia nata tumultu  
 Armavit focias in mutua vulnera dextras !  
 Anne parum campis fufum eft, atque æquore Galh  
 Sanguinis ? heu ! fefcæ languent in prælia vires ,  
 Nec fufferre valent exhausta æraria fumptus  
 Bellorum immodicos ; paffim deformis ægeftas  
 Immeritos premit agricolas , viduata colonis  
 Squalent arva fuis , Domino vix ulla quotannis  
 Vectigal pendit folitum Provincia , durus  
 Ne miferos adigat lictor ; parvo empto fupellex  
 Parvo diftrahitur rauci Preconis ad haftam ,  
 Quin etiam vanis abducta armenta , gregesque  
 Plorantur lacrymis , eadem aut pejora beatas  
 Fata manent urbes , par cunctas afpera vexat  
 Pauperies ; totis jam quatuor extera luftris  
 Arma premunt , inimica parat bellator Iberus  
 Agmina Vere novo , nec contra obfiftere cuiquam  
 Eft animus, quando , quæ fuma caputque malo-  
 rum eft ,

Infenfæ procerum partes , plebifque , patrumque  
 Plus quam civili patriam vafcare duello,  
 Atque infpiratos per publica damna triumphos  
 Hoftibus accelerant : ergo tot capta per annos  
 Oppida , & edomitas gentes terraque marique  
 Unica , nos ipfi dum cædimus , auferet æftas.  
 Proh fcelus ! arma armis , paribusque obftantia fi-  
 gnis

Lilia cognatasque acies , oppoftaque fratrum  
 Castra videre licet ! quæ tanta leonibus Afris  
 Infeditve lupis rabies , ut cæde fuorum  
 Exultent , lacerofque artus & viscera mandant.

Nocte intempefta Domina fubductus ab urbe  
 Rex L O D O V I X, nataque minor fraterculus una  
 Secellit Regina parens atque Arbitra rerum  
 Principibus comitata viris , G A S T O inelytus illi  
 C O N D E U S Q U E Comes. \* \* \* \* \*

---

IN A U G U R A T I O N E M  
C Æ S A R I S  
L E O P O L D I  
F E R D. I I I. F I L I I.

**E** R G O N E vîctrices Aquilas nomenque decusque  
C Æ S A R I S, Austriadum dominandi immensa  
cupido ,

Hispanæque adeo cognata superbia gentis  
Asserat usque sibi ? ferat hoc Germania septem  
Clara viris , quorum arbitrio, curaque receptum est  
Cuncta geri , novus Imperio cum assumitur Heros.  
Quo tandem vestra , o Proceres , suffragia , vanus  
Quo tituli cessantis honos ? Diadema paternum  
Cum nati excipiant , & eodem sanguine cretus  
Imperet æternum , decorisque & nominis hæres.  
En vacua Imperij sedes , qui summus honorum  
Fertur apex , digno jamdudum præside poscit .  
Iure premi , belli & pæcis qui calleat artes ,  
Nec non Augusta qui majestâte verendus  
Danubij , Rhenique sciat dare jura colonis ,  
Ipsosque ante stet meritis , atque ordine Reges.  
Maturate Viri patriæ monstrare Parentem ,  
Atque Orbis dominos potiori credere Fasces.  
Iam quæcumque animo sedeat sententia , fas est  
Promere , nunc vestra refert antiqua tueri  
Teutonibus data jura , moras quid nectere inanes,  
Quid juvat in tanto cunctari pondere rerum.  
Quem legat Augustum , Romanorumque saluter

Roma potens Regem , vobis jam dicere præstat.  
Id votis supplex Europe , id publica poscit  
Post tot bella quies , optatæque otia pacis.  
Horrida non etenim totum quæ concutit Orbem  
Proh pudor ! admotosque agitat discordia Reges  
Sisti alia ratione queat. \* \* \* \* \*

FINIS.





# INDEX.

## Operum Madeleneti.

|  |          |    |
|--|----------|----|
| <b>L</b> <i>Ecce</i> ,                                 | pagina , | 1  |
| <i>Præfatio</i> ,                                      |          | 4  |
| <i>Elogium</i> ,                                       |          | 8  |
| <i>Ad illust. virum Lomenium</i> ,                     |          | 18 |
| <i>Ad illust. Seguierium</i> ,                         | pagina   | 1  |
| <i>Ad Eminent. Card. Richelium</i> ,                   |          | 5  |
| <i>Equus Ludovici XIII.</i>                            |          | 18 |
| <i>Amphitrite Ruelliana</i>                            |          | 20 |
| <i>Ad illust. Claudium Bullionem</i> ,                 |          | 21 |
| <i>Ad Eminent. Card. Richelium</i> ,                   |          | 24 |
| <i>Ad illust. Claud. Buthillæum</i> ,                  |          | 25 |
| <i>Ad illust. Joan. Bochartium</i> ,                   |          | 30 |
| <i>Viro illust. Franc. Subletio</i> ,                  |          | 33 |
| <i>Ad eundem Epigramma</i>                             |          | 35 |
| <i>Ad Eminent. Card. Jul. Mazarinum</i> ,              |          | 36 |
| <i>Ad Inuict. Lud. Borbonium</i> ,                     |          | 40 |
| <i>Ad illust. Virum Nicolaum Ballolium</i> ,           |          | 45 |
| <i>Ludovico Borbonio</i> ,                             |          | 50 |
| <i>Ad Eminent. Card. Jul. Mazarinum</i> ,              |          | 53 |
| <i>Ad Ludovicum Borbonium</i> ,                        |          | 57 |
| <i>Excellent. Antonio Gramontio</i> ,                  |          | 58 |
| <i>Ad Regem Ludovicum XIV.</i>                         |          | 61 |
| <i>Illust. Viro Michaeli Particellio</i> ,             |          | 63 |
| <i>Christina Seren. Suecorum Regina</i> ,              |          | 66 |
| <i>Ad Eminent. Card. Jul. Mazarinum</i> ,              |          | 71 |
| <i>In obitum Enemundi Gualterii</i> ,                  |          | 72 |
| <i>Illust. Abeli de Servien</i> , & Nicolao Foucquet , |          | 73 |
| <i>Nob. erudit. viro Hugoni Lyonæo</i> ,               |          | 74 |



# T A B U L A.

|  |       |
|--|-------|
| <i>Ad erudit. Francisc. Lignerium,</i>       | 76    |
| <i>Eminentis. Card. Mazarino,</i>            | 78    |
| <i>Ad Illust. Virum Nicolaum Foucquet,</i>   | 80    |
| <i>Eminent. Card. Mazarini Lacryma,</i>      | 84    |
| <i>In Christinam Seren. Suecorum Reginam</i> | 86    |
| <i>Ad Emin. Jul. Mazarinum,</i>              | ibid. |
| <i>Ad eundem Ode,</i>                        | 88    |
| <i>Ad eundem Epigramma,</i>                  | 89    |
| <i>Spectatissimo Viro Colberto,</i>          | ibid. |
| <i>Emin. Jul. Card. Mazarino,</i>            | 91    |
| <i>Nobilissimo Ludovico Phelipeaux,</i>      | 92    |
| <i>Illust. Viro Nicolao Foucquet,</i>        | 93    |
| <i>Ad eundem Oclastibicon,</i>               | 94    |
| <i>Ad Emin. Jul. Mazarinum Ode,</i>          | 95    |
| <i>Ad Illust. Virum Lomenium,</i>            | 99    |
| <i>In ortum Delphini,</i>                    | 101   |
| <i>Hymnus, Ave Maris stella,</i>             | ibid. |
| <i>In ortum Ludovici XIV.</i>                | 103   |
| <i>Regiacensis Deditio,</i>                  | 104   |
| <i>Detestatio Belli Civilis,</i>             | 105   |
| <i>In Augurationem C. Leopoldi,</i>          | 107   |

F I N I S.







*Privilege du Roi.*

**L**OUIS PAR LA GRACE DE DIEU,  
ROI DE FRANCE ET DE NAVARRE:  
A nos amez & feaux Conseillers, les Gens tenans  
nos Cours de Parlement, Maîtres des Requêtes  
ordinaires de notre Hôtel, Grand Conseil, Prevôt  
de Paris, Baillifs, Senechaux, leurs Lieutenans  
Civils, & autres nos Justiciers qu'il appartiendra;  
S A L U T. Notre bien amé J E A N B A R B O U,  
Libraire à Paris, Nous a fait exposer qu'il souhai-  
teroit faire imprimer & donner au public *Gabrielis  
Madeleneti Carminum Libellus, Æsopi Fabula sele-  
ctiores, Philippi Labbe Græcæ Lingua Accentus*, s'il  
Nous plaisoit lui accorder nos Lettres de permis-  
sion sur ce nécessaires: Nous avons permis & per-  
mettons par ces Présentes audit Barbou de faire  
imprimer lesdits Livres en tels volumes, forme,  
marge, caractère, conjointement ou séparément,  
& autant de fois que bon lui semblera; & de les  
vendre, faire vendre & débiter par tout notre Roy-  
aume, pendant le tems de *trois années consécutives*,  
à compter du jour de la datte desdites Présentes.  
Faisons défenses à tous Libraires, Imprimeurs &  
autres personnes de quelque qualité & condition  
qu'ils soient, d'en introduire d'impression étran-  
gere dans aucun lieu de notre obéissance; à la  
charge que ces Présentes seront enregistrées tout  
au long sur le Registre de la Communauté des Li-  
braires & Imprimeurs de Paris, & ce dans trois  
mois de la datte d'icelles; que l'Impression de ces  
Livres sera faite dans notre Royaume & non ail-  
leurs, en bon papier & en beaux caractères, con-  
formément aux Reglemens de la Librairie; &  
qu'avant que de les exposer en vente, les Manu-  
scrits ou Imprimez, qui auront servi de copie à

l'Impression desdits Livres , seront remis dans le même état ou les Approbations y auront été données, ès mains de notre très-cher & feal Chevalier Garde des Sceaux de France le Sieur Fleuriau d'Armenonville, Commandeur de nos Ordres; & qu'il en fera ensuite remis deux exemplaires de chacun dans notre Bibliothèque publique, un dans celle de notre Château du Louvre, & un dans celle de notre très-cher & feal Chevalier Garde des Sceaux de France le Sieur Fleuriau d'Armenonville, Commandeur de nos Ordres; le tout à peine de nullité des Présentes : du contenu desquelles vous mandons & enjoignons de faire jouir l'Exposant on ses ayans-cause pleinement & paisiblement, sans souffrir qu'il leur soit fait aucun trouble ou empêchement : Voulons qu'à la copie desdites Présentes, qui sera imprimée tout au long au commencement ou à la fin desdits Livres, foi soit ajoutée comme à l'Original. Commandons au premier notre Huissier ou Sergent, de faire pour l'exécution d'icelles tous actes requis & nécessaires, sans demander autre permission; & nonobstant Clameur de Haro, Charte Normande, & Lettres à ce contraires : Car tel est notre plaisir. Donné à Paris le treizième jour du mois d'Avril, l'an de grace mil sept cent vingt-quatre, & de notre Règne le neuvième.

*Signé*, C A R P O T.

*Registré sur Registre V<sup>e</sup> de la Chambre Royale des Libraires & Imprimeurs de Paris N. 808. fol. 499. conformément aux anciens Réglemens, confirméz par celui du 28. Février 1723. A Paris le quinze Avril mil sept cens vingt-quatre.*

B A L L A R D, Syndic.

2011 564

